

112

AZ.
ELE III

BIBL. NAZ.
Vitt. Emanuele III


151
B
2
NAPOLI

BIBL. NAZ.
VITT. EMANUELE III

151
B
2
NAPOLI

1. 6. 1934

102



RELATIONES
DE
LIBRIS
PHYSICO-MEDICIS
PARTIM ANTIQVIS
PARTIM RARIS

AVCTORE
FRIDERICO BOERNERO

MEDICINAE DOCTORE
EIVSDEMQUE IN ACAD. VITEMBERGENSI
PROFESSORE PVBLICO EXTRAORDINARIO
ACAD. CAESAR. NAT. CVRIOS.
SODALI CAET.

FASCICVLVS I



VITEMBERGAE
IN OFFICINA AHLFELDIANA
1756

151 B 2

VA1 1512100

LIBRARY

100

100

100

100

100

100

100

100

100

100

100

100

100

100

100

100

PERILLVSTRI
GENEROSISSIMO
ATQVE
EXCELLENTISSIMO DOMINO
D O M I N O
IOH. GOTTHILF
A G L O B I G
S. R. IMPERII EQVITI
AC LIBERO BARONI
POTENTISSIMI SARMATARVM REGIS
SERENISSIMIQUE PRINCIPIS
ELECTORIS SAXONIAE
IN
SVPREMO SENATV ECCLESIASTICO
QVI DRESDAE FLORET
PRAESIDI

SACRI CVBICVLI REGII
COMITI PURPURATO

REGIAE AVLAE ET IVSTITIAE
CONSILIARIO


HEROI IN TOGA INCOMPARABILI

LITERARVM ET LITERATORVM
MAECENATI MAXIMO

DOMINO MEO PERIN
DVLGENTISSIMO

PROSPERITATEM PERPETVAM!

PERILLVSTRIS
ATQVE
EXCELLENTISSIME DOMINE
DOMINE GRATIOSISSIME

uo maiori nostrae non solum Athenae, verum omnis etiam Saxoniae respublica literaria pariter atque ecclesiastica, exultabant nuper gaudio atque laetitia, cum excelsum illum atque primarium a POTENTISSIMO SERENISSIMOQVE PATRIAE PATRE, in TE, DOMINE EXCELLENTISSIME, Summo in Senatu ecclesiastico, beatissimi loco HOLZENDORFII, collatum esse audirent, dignitatis gradum; quo maiori iure, humanitatem atque clementiam TVAM, facilemque, afflictis in primis, ad TE praeviden-

tes aditum, insignemque TVAM in
suscipiendis negotiis alacritatem, in
continuandis sedulitatem, in absol-
uendis suspicientes peritiam atque
promptitudinem, atque amicam deni-
que omnium virtutum heroicarum,
quae perillustre TVVM obsident pe-
ctus, cum tanta tamque solida erudi-
tione coniunctionem attoniti admi-
rantes, cum admiratione atque ve-
nerabundi omnes boni sibi atque pa-
triae gratulabantur: eo certe ego
ingrator, immo omnium ingratis-
simus essem, nisi inter illos, qui cultum
atque venerationem certatim TIBI
deferre gestiunt, meum etiam cum
primis profiterer nomen; eo certe
minus quidem dubito, huncce perle-
uis momenti libellum, in horis meis
subcesivis exortum, TIBI, DOMINE

GRA-

GRATIOSISSIME, TVAEque, quam
humillime imploro atque flagito, tu-
telae, summa animi deuotione, de-
uotissimaque EXCELLENTISSIMI
NOMINIS TVI ueneratione, tradere
atque consecrare. Hoc namque, du-
dum iam pietas, qua TE veneror,
gratique animi in TE mei aemulatio,
debitum obseruantiae momentum ur-
gebant, conquirebam etiam omnia:
at tamen, quod TANTI HEROIS
conspectu dignum esset, inueniebam
nihil, diuque igitur anceps fui atque
constitutus in ambiguo, quid agen-
dum, quid TIBI offerendum esset,
neque certe etiam unquam leuissimas
hasce TVO EXCELLENTISSIMO
NOMINI inscribere ausus fuisssem
lucubrationes, nisi plane singularis
TVA et diuina penitus Comitatus
):(4 atque

*atque gratia, qua veros literarum
amplecti soles cultores, audaciae
meae promississet veniam, nisi gcome-
trice certe, ipsisque veritatibus ma-
thematicis atque physicis omnibus
certius persuasus fuisssem, nec displi-
cere TIBI leuissima. Hac igitur
TVA clementia, excitatus, fretus,
atque confisus, quam cupidissime ex-
optavi, noui sub anni, ipsiusque si-
mul felicissimi TVI, cum ILV-
STRISSIMA BRVHLIA connubii,
auspiciis, arripio occasionem, pu-
blicum summissae atque penitus TIBI
deditae mentis constituendi moni-
mentum, atque haec auspicia utra-
que summa animi deuotione TIBI
gratulandi, spe lactatus certissima,
fore, ut quod TIBI, debita, TVI
EXCELLENTISSIMI NOMINIS ve-
nera-*


*neratione offerre ausus sum, bene-
uole etiam atque clementer accipias.
Quo quidem ipso officio, cum de-
fungar, addubito, utrum TIBI de
excelso, in quo regia TE clementia
locauit dignitatis gradu, an com-
muni potius patriae, TVAS propter
virtutes, eo nomine debeam gratu-
lari. Et quemadmodum omnium
votorum meorum summa haec est, ut
TV, DOMINE GENEROSISSIME
atque EXCELLENTISSIME, cum
PERILLVSTRISSIMA CONIVGE,
ab omni temporum iniuria usque ad
seram senectutem, tutus semper at-
que incolumis sis permanearque, fili-
osque atque nepotes virtutum pater-
narum haeredes exosculari aliquan-
do queas : ita etiam ego nullo un-
quam tempore religiosissimi hoc clien-*

*tis officium deferam, ut praepotentem omnis prosperitatis statorem, continuis pro TVA CONIVGISQUE perenni salute atque incolumitate sollicitem precibus. Quae si eueniant, uti certe praeuideo, felicem me, omnium vero uotorum praedica-
bo compotem, si permissum etiam insuper mihi fuerit in TVA gratia, TVOQUE praesidio conquiescere. Sic enim emoriar*

PERILLVSTRIS
ATQVE
EXCELLENTISSIMI TVI NOMINIS

*Vitembergae,
die XX. Ianuar.
1566 CCLVI.*

*cliens atque cultor deuotissimus obseruantissimus
Fridericus Boerner, D.*



LECTORI BENEVOLO

S.



paucissimis verbis praefandi officio
defungar, BENEVOLE LECTOR.

Nouum Bibliothecae meae libro-
rum rariorum physico-medidorum histo-
rico-criticae, olim iam coeptae, offero
TIBI specimen, spe fretus, quod antiquo
illud accepturus sis fauore. Tres scilicet
praeterlapsi sunt anni, quod, cum adhuc
Guelpherbyti essem, cuius gratissima semper
mihi erit memoria, artisque meae ibi exer-
cendae causa viuerem, binas hoc de argu-
mento promulgauerim commentationes,
quas, plausu tuo exceptas, auctas nuper

A

recu-



recusasque dedi in *Noctibus* meis *Guelphicis* superioribus nundinis editis, p. 161. *seqq.* Hocque ipso inexpectato fauore, quo illas accepras video, excitatus, iterum nunc in conspectum TVVM prodeo, telaeque, quam tunc texere coepi, iterum manum admo- uere volui, sique quid otii, a grauioribus studiis relictum fuerit, in posterum etiam hac viâ perrecturus. Non igitur, iterum antiquas eas hic legis recusas, crambemque bis TIBI coctam, tertia exhibeo vice; uti forsân putare possent, qui cum poetis atque pictoribus omnia sibi carpere licitum esse arbitrantur, pusque atque venenum, quod in pectore gerunt, qualibet data occasione manifestant. Sed, ut praecidam paucis, ne forsân irritentur crabrones, noua sunt, quae propono, et quamquam certas ob causas titulum libelli mei mutauerim, non tamen mutaui methodum, sed in id potius operam dedi, ut incoepto tramite pergerem, talesque in medium producerem libros, qui, uti gna-
rus



rus harum deliciarum amator facile videbit, raræ plerumque sunt aues, quamuis non omnes unius eiusdemque apud viros doctos fore deprehendas valoris, unumque altero sæpe præstantiorem. Selegi autem eos non solum ex ipsis meis scriniis, verum etiam, *Augusto-Carolinam Bibliothecam Ducalem Wolfenbuttelsensem* diligenter insuper perlustraui, indeque, quicquid ad rem meam facere videbatur, omni collegi industria. Non vero omnia, quæ produco, mea sunt. Eas enim, quas de FRANCISCI FRICIMELICAE, VOPISCI FORTVNATI PLEMPHII, MARTINI SCHOCKII, DIODORIQUE EVCHYONTIS scriptis, vides enarrationes, *Viro* debes arte sua clarissimo, experientissimoque et eleganter docto, RVDOLPHO AVGVSTO VOGELIO, *Doctori Medico et Professore* hodie in Georgia Augusta extraordinario, qui pro suo in me fauore, id quod gratus publice profiteor, beneuole eas mecum communicauit. Consului autem præ-

terea etiam clarissimorum virorum, qui ante me hac in arena militarunt, et de libris rarioribus ingenere exposuerunt, doctissima scripta, eorumque auctoritate, meorum librorum raritatem fulcire annisus sum. Ex quibus nunc quidem, praeter iam olim laudatos VOGTIVM, BÜNEMANNVM, ENGELIVM et CLEMENTEM, viros omni mea laude maiores, honoris causa nominandi veniunt, THEOPHILVS SINCERVS, siue potius qui sub hoc ficto nomine latere voluit, GEORGE IACOB SCHWINDEL, apud Norimbergenses olim V. D. M. qui, uti inter eruditos constat, *Relationum de libris antiquis ac raris*, (*Nachrichten von lauter alten und raren Büchern*) tria edidit volumina; ^{a)} GE. SERPILIVS, ^{b)} HIERONYMVS

AVC.

a) *Volumen I* sex complectitur particulas, quae prodierunt *Francof. et Lips. 1731. seq. 8. Volumen II* totidem gaudet partibus et lucem vidit *ibid. 1733. seq. Volumen III* autem *Norimbergae* prodiit 1736. mutato titulo: *Bibliotheca historico-critica librorum opusculorumque variorum et variorum*, oder *Analecta von lauter alten und raren Büchern und Schriften.*



AVG. GROSCHVIVS; ^{c)} AVGVSTVS
BEYERVS; ^{d)} DANIEL GERDESIVS; ^{e)}
quique nouissime hanc in arenam descende-
runt, FRIDERICVS GOTTHILF FREY-

A 3

TAG,

b) Hic edidit Verzeichniß einiger rarer Bücher,
Frankff. und Leipzig 1723. 8. quod tribus constat
particulis sua omnino laude haud defraudandis.

c) *Nouae librorum rariorum collectionis tres* ede-
re coepit *fasciculos*, Halae 1709. seq. 8. sed morte
impeditus continuare laborem haud potuit; et
licet nactus fuerit GODOFREDVM TILGNE-
RVM, qui denuo operi manum admouit, *quartum*-
que et *quintum fasciculum* addidit, hic tamen aliud
expertus est fatum, quo minus ulterius progredi
potuerit.

d) Extant viri clarissimi et in re historiaeque
literaria versatissimi, de cuius vita et meritis ube-
rius exposuit Maxime venerabilis E. L. RATH-
LEF in *Continuat. des jektleb. Gel. Europ. Tom. V.*
p. 164 seqq. Memoriae historico-criticae librorum
rariorum etc. Dresd. et Lips. 1734. 8.

e) Edidit enim vir eleganter doctus, Historiae-
que et Antiquitatum Ecclesiasticarum maxime gna-
rus, de cuius vita scriptisque ex instituto egit
clarissimus I. C. STRODTMANNVS in *Ventz-
gen zur Historie der Gelahrtheit, V. Theil p. 167.*
seqq. Florilegium historico-criticum librorum ra-
riorum, cui multa simul scitu iucunda interspergun-
tur cet. Groening. 1740. 8.



TAG,^{d)} et IACOBVS WILHELMVS BLAVFVS,^{g)} Artium et Philosophiae Magister in Academia Ienenfi longe clarissimus.

Horum inquam doctissimorum Virorum scripta perlustraui omnia, eaque quae ad nostrae artis βιβλιογνωσιαν spectant, mea feci, interdum etiam, si quae, quod pace eorum dixerim, minus recte proposita deprehenderim, emendaui atque correxi. Non enim omnia possumus omnes.

Quod reliquum est, in posterum hac via diligenter pergam, omnesque in id intendam


f) Hic doctissimus, doctissimi parentis, scholae provincialis Portensis prope Numburgum Rectoris, filius, praeclare nostris diebus et ex instituto hac perfungitur opera, ut hanc suppellectilis librariae gazam symbolis suis adaugeat, rarissimosque undique colligat libros. Spectant huc elegantissima eius scripta: *Analecta Literaria de libris rarioribus*, Lips. 1750. 8. edita, et *Apparatus literarius, ubi libri partim antiqui, partim rari, recensentur*, Tom. I. Lips. 1752. Tom. II. *ibid.* 1753. Tom. III. *ibid.* 1754.


g) Huius vermischte Beiträge zur Erweiterung der Kenntniß seltner und merkwürdiger Bücher, prodierunt nouissime Ienae 1753. 8.



dam nervos, ut lectorum meorum semper
conferuem gratiam, variaque in posterum
etiam scripta minora, quae propter suam
exiguitatem, exiguo temporis spatio rarissi-
ma fieri solent, prorsus e tenebris eruam
nouaque editione reddam parabilia; vel alia,
quae ad rem literariam medicam spectant
scituque iucunda sunt aequae ac utilia, inter-
spergam interdum publicique faciam iuris.

Vale, LECTOR BENEVOLE, et labori-
bus nostris in posterum
faue.





I

HORTVS EYSTETTENSIS, *sive diligens et accurata omnium plantarum, florum, stirpium, ex variis orbis terrae partibus, singulari studio collectarum, quae in celeberrimis viridariis arcem episcopalem ibidem cingentibus hoc tempore conspiciuntur, delineatio et ad vinum repraesentatio, opera*

BASILII BESLERI, *Philiatri et Pharmacopoei. MDCXIII.*

EN! libri non nitidissimis sumtuosissimisque, et in re medica omnique naturali, botanica imprimis, propter splendorem praestantissimis solum, verum ob magnitudinem et haud vile pretium, infrequentemque adipiscendi.



piscendi eum opportunitatem, rarissimis etiam omni omnino iure suo annumerandum atque merito, quamvis, si rariorum librorum in auxilium vocaveris indices, parum vel nihil inibi de eo inuenies. ^{b)}

Forma eius mapparum geographicarum superat magnitudinem, chartaque, quam vocamus, impressus est imperiali. Titulus, quem iam indicauimus, variis ornatus est figuris atque in aere incisus, artifice WOLFGANGO KILIANO, AVGVSTANO, calcographorum Germanicorum facile principe. Hunc statim sequitur dedicatio, quam BESLERVS ad Eystettensem, siue Eichstettensem Episcopum, ipsius huius horti, cuius plantas volumen exhibet, conditorem scripsit, IOANNEM CONRADVM, ex illustrissima splendidissimaque gente GEMMINGIORVM,

A 5

domus

^{h)} Vnicus tamen excipiendus est FREYTAGIVS, utpote qui in *Analectis Literariis* p. 468, seq. quaedam de hoc opere protulit. Sed haec limam aliquam desiderare videntur, uti infra pluribus docturus sum.



domus *Hagenschieffensis*, ortum; familia, quam FRIDERICVS cognomine dictus BARBAROSSA, Imperator, antea nobilitate iam clarissimam, in comitiis Moguntiae habitis, A. MCLXXXII. vi diplomatis adhuc nobiliores reddidit et dynastia donauit; familia, quae non claros solum semper Germaniae heroes sagatos, verum et orbi literato togatos dedit; hocque ipso adhuc die in Franconia floret atque Sueuia, et Sapientissimo Potentissimoque Magnae Britanniae Regi, et Electori Principi Brunsvicensium et Luneburgensium, vero illi Defensori fidei, GEORGIO Magno, viros donat, quorum nomina omnem meam superant laudem, prudentissimisque et sapientissimis suis consiliis reipublicae emolumento sunt, praesidio atque ornamento. ⁱ⁾ Data autem est epistola

i) Sunt hi, quos omni honoris, pietatis et obsequantiae cultu nomino, felicissimarum terrarum Brunsvicensium Electoralium vera decora atque praesidia, Generosissimus, Excellentissimus et Perilluosissimus, in summa atque suprema, quae Cellis



epistola nuncupatoria *d. VIII. Kalend. Maias*
A. 1612. Eystetti, in monte S. Wilibaldi arce
episcopali. Laudat in ea *Episcopum* BESLE-
RVS, virum aeterna laude dignum, qui
tot imperii sui felicissimi et sapientissimi re-
liquerit

floret, Prouocationum Curia Regio-Electorali Vice-
Praeses, Dn. LVDOVICVS Liber Baro a GEM-
MINGEN, qui nominis, virtutum, eruditionis et
meritorum splendore dudum corruscat; pariter
ac Generosissimi atque Illustrissimi Domini LVD-
VICVS et OTTO HENRICVS, Liberi Barones
a GEMMINGEN, ille quidem in Cancellaria,
quae Hannouerae est, Ordinarius, hic in eodem
Regio-Electorali consilio, quod Cellis floret, Extra-
ordinarius aulae atque iustitiae Consiliarius, cuius
postremi inprimis in me clementiam atque fauo-
rem omni obseruantiae veneror cultu, maximo-
que mihi duco honori, quod in Paedagogio Re-
gio, quod Halae floret, uno eodemque cum eo,
per tres et quod excurrit annos, quod grata me-
mini recordatione, frui licuerit contubernio atque
museo, et in quo iam tum generosissimorum et
celeberrimorum suorum maiorum exempla non
solum conspiciebantur viuacissima, verum qui et
in eo magni nostri vestigiis cum laude insiste-
bat Episcopi, quod studii botanici esset amantissimus,
prataque et sylvas circumiacentes, eius causa sa-
pius mecum frequentaret.



liquèrit vestigia, ut vix habeat parem.^{k)} Praedicat insignem eius in studium botanicum amorem, qui, ubi inculti, steriles et saxosi apparuere montes, amoenissimos instruxit hortos, quorum quidem octo fuisse testantur alii. ^{l)} Praedicat denique, quod et uniuersae Episcopus consuluerit posteritati, exterisque gentibus, et omnibus, quotquot amoenissimi studii botanici sectatores sunt et amatores, quod, quae praeclarissimus ille suppeditauerat hortus, plantas stirpesque rariores ad viuum aeneis expressas figuris, communicari iussisset.

Dedicatione hac finita, sequitur Decani et Collegii Medici Norimbergensis praefatio, quae, quid praestitum sit in amplissimo hoc volumine, concinne et nerve se satis lectorem docet.

Postea

k) Plura de Eo tradit GRETSERVS in *Catalogo Episcoporum Eystettensium*, qui adiectus est PHILIPPI Chronico.

l) Conf. V. Clar. Dn. I. C. W. MOEHSEN de MSS. medicis Regiae Bibliothecae Berolinensis Dissertatio II. p. 68.



Postea ipsius editoris, vulgo crediti BESLERI, locum occupat praefatio, ubi, cur secundum quatuor anni tempora, quibus florént, in totidem digessisset classes, horti Eystettenensis plantas, profert rationes, easque ipso eo, quo in vigore constitutae fuissent, tempore, ut depingi eas et in aes incidi curaret, a Principe clementissimo transmissas sibi esse testatur, minime autem omnes et singulas, sed rariores duntaxat et principaliores, domesticis plus quam quadringentis omissis, exhibuisse ostendit.

Excipiunt praefationem hanc priuilegia, BESLERO de vendendo libro concessa, et tandem post effigiem et insignia BESLERI, subiecto GEORGII REMI breui carmine, quod in laudes eius excurrit, Auctorum in libro laudatorum Catalogus.

Sequitur nunc liber ipse in quatuor diuisus partes, quarum unaquaeque titulum prae se fert singularem, semper in aes incisum. *Prima* pars plantas vernales in nouem diuisas



diuifas ordines, *Secunda* aestiuas in quatuordecim, *Tertia* autumnales in quatuor, et *Quarta* denique hibernas in uno absoluit ordine. Totum vero, quantum quantum est, volumen, ex tabulis aeneis, in quas incisae sunt plantae, constat, quarum paginis aduersis, descriptiones, sed breues admodum, auctoresque, qui plantas explicauerunt, adiecti sunt,^{m)} quamuis autem partem indices plantarum, Latinus et Germanicus, concludunt. Tabularum, quae plantas exhibent, aënearum numero sunt CCCLXIV,ⁿ⁾ titulis quinque et effigie BESLERI exceptis.

Ipsa

m) Memini tamen quaedam etiam huius voluminis me uidisse exempla, in quibus descriptiones hae desiderantur.

n) Error hinc est, si in *Catalogo Bibliothecae Riuiianae*, librum hunc ex MLXXXIII. constare indicatur tabulis; hic enim numerus non de tabulis, sed de plantarum potius speciebus, quarum plures in una saepe inueniuntur tabula, intelligendus est. Idem censendum est de LINNAEII verbis, quando *Biblioth. Bot. p. 23.* editum eum esse cum figg. 1533. asserit; ubi nouus tamen ortus est error typographicus, qui legendus 1083.



Ipsa huius horti historia enarranda, tradendaque eius descriptione facile supersedere potero, cum partim editor in dedicatione atque praefatione, partim etiam Vir Clarissimus atque Experientissimus Dn. IOHANNES CAROLVS WILHELMVS MOEHLEN, Medicus apud *Berolinenses* celeberrimus, Fautor meus atque amicus singulariter colendus, praeclare et abunde satis hac opera iam perfuncti sunt.^{o)} Sed de ipso huius voluminis auctore editoreque dicenda quaedam restant.

Creditur vulgo fuisse eum BASILIVM ESLE RV M, Pharmacopoeum Norimbergensem, studiique botanici non plane ignotum. Idque non solum ipse voluminis titulus indicat, verum et omnes, qui titulum librorum botanicorum tradiderunt, con-

o) in elegantissima Dissertatione citata *de MSS. Bibliothecae Berolinensis medicis*, ubi de splendentissimo huius libri exemplo, quo gloriatur haec bibliotheca, ex instituto agit.



consentiunt scriptores. ^{p)} Verum enim vero, hanc operam nunquam sibi totam vindicare poterit BESLERVS, quamquam ceterum sua laude defraudandus non est. Equidem in dubium vocare non possum, vocatum esse ab Episcopo BESLERVM, non solum ut coleret hortum suum orna-
retque, verum etiam opus hoc compo-
neret, at vero hunc etiam parum viribus suis confisum suaforem exstitisse illi, ut CARO-
LVS CLVSIVS, Botanicorum sua aetate
facile

^{p)} Vid. ex. gr. LINNAEVS *Biblioth. Bot. p. m.* (edit. Amstelod. 1736. 8.) 23. et 82. aliique. Vnus dissentit ARTHVRVS CONR. ERNSTINGIVS, Med. Doct. et grauissimo quidem errore dissentit. Hic enim in *primis suis principijs botanicis*, Wolfenb. 1748. 8. edit. p. 242. scribit: Es ist dieses Werk schon von MICH. RVPERT. BESLERO angefangen, aber wegen frühzeitigen Todes nicht vollendet worden, daß es also liegen bleiben müssen, bis es BASIL. BESLERVS herausgegeben. Quo-
modo vero MICH. RVPERTVS BESLERVS, rerum alias naturalium indagator solertissimus, sed nostri BASILII ex fratre nepos, ante eum viuere et scribere potuerit, ego quidem videre non possum, utque mihi soluat Problema ERN-
STINGIVS, rogitō, publiceque inuito.

facile princeps in auxilium vocaretur, concedent alii. Abnuente vero preces CLVSIO, LVDOVICVM IVNGERMANNVM, *Lipstensem*, eo tempore vitam priuatam Gießæ degentem, et adhuc iuuenem, sed postea in Altorfinam Academiam ad ornandum cathedram medicam vocatum, Botanicum excellentissimum et æternum Lipsiæ suæ et meæ decus, ad se vocauit BESLERVS, et in domo sua sustentauit, ubi factum, ut intra sexennium opus hoc, auctore vero IVNGERMANNO, absolueretur. ^{q)}

De artifice, qui tabulas confect æneas plantasque eis concinne et apte insculpsit, WOLGANGO KILIANO, vix est quod addam, cum opera eius dudum omnibus

Relat. Fasc. I.

B

laudi-

^{q)} Probant hoc satis firmis rationibus FREDERVS in *Theatro Viror. illustr.* BAIERVS in *Biograph. Profess. Med. Altorfinor.* Probant autem et rationes aliae, quas apud Clariss. MOEHSNIUM videre licet. Vitam vero BASIL. BESLERI exhibet LOCHNERVS in præfat. ad *rariora Musci Besleriani.*

laudibus aestimata fuerint digna, isque cum fratre LAZARO KILIANO, Germaniae calcographorum vera sint ornamenta. Quid vero praestiterit IOANNES LEYPOLT, cuius nomen in titulorum quatuor partium tabulis, una cum KILIANI legitur nomine, ego vix affirmare audeo.^{r)}

Restant adhuc quaedam dicenda de Operis huius nostri editione, an scilicet plures eius sint, quam haec, quam indicauimus. Sunt quidam, qui iteratis vicibus librum nostrum prodiisse credunt et firmiter affirmant. MERCKLINVS in *Lindenio renouato*, et ab hoc seductus ERNSTINGIVS in *primis principiis botanicis*, opus hoc nostrum A. MDCXL. secundis curis editum fuisse, summa fide scribunt.^{s)} Sed cum nullam

r) De vita KILIANORVM exposuit docte satis IOACHIMVS DE SANDRART, in Academia picturae, sed, quem in hoc opus consumpsit laborem WOLFGANGVS, sicco plane praeteriit pede.

s) Huc etiam pertinet FREYTAGIVS, qui l. c. p. 469. secunda scribit editio, eundem titulum

nullam uspiam, de hoc anno editionem, omni data opera, inuenire potuerim, nec Clariss. etiam MOEHSSENIUS reperire ullibi potuerit, utique eum ad non entia referendam esse iudico. Sit forsan, quod M. R.

B 2

BESLE-

eundemque annum cum BESLERI nomine refert, „dedicatione prima ad IOANNEM CHRISTOPHORUM, eius successorem, substituta. Cumque „eruditi in descriptionibus et sinceritatem et eruditionem botanicam desiderarent, integer textus „una cum praefationibus ad eum se referentibus „ab ipso BESLERO reprobatus et omissus est, „priuilegiis Galliae Regis, Archiducis in Belgio „Hispanico ac Ordinum Confoederatorum eius „in locum collocatis. Hanc editionem cum tertia „sequutus est CAROLVS BERTTIVS a. 1640. „in eo tamen erga BESLERVM ingratus, quod „eius ne verbulo quidem mentionem fecerit, neque effigiem eius recoluerit, licet IOANNIS „CONRADI imaginem restituerit, addito Episcopo „MARQVARDO, cui hoc opus dicauit. Caeterum resecta classe hibernali, ad tres reliquas „omnia retulit, indice cuius praemisso. Haec „e *Catalogo Bibliothecae Rinkianae*, p. 780. referimus. Sed, quod pace Viri Clar. dixerim, seductus ille est, et relata refert. Quum enim secundam nominat editionem, orbatam textu, ea ipsa illa erit, quam supra nota m) notauimus. De tertia autem anno 1640. edita, mox plura proferam.



BESLERVS, qui augere voluit et denuo publici iuris facere hunc hortum, nouum adornare curauerit titulum, et error hinc iste enatus fuerit. Vix etiam ac ne vix quidem consentire videtur sana ratio, saltem probabile non est, tam splendidum atque sumptuosum opus iterum prodiisse, cum publici ad id praestandum requirantur sumtus, et priuati hominis, nisi ditissimi vix ac ne vix quidem sufficiant, unde etiam alius, quem commisit MERCKLINVS, facile refutari potest, error, propriis scilicet BESLERI sumtibus, opus hoc prodiisse. Idem de alia adhuc editione, quam 1727. Eystadii lucem vidisse laudatus BAIERVS in historia horti Academici Altorfini asserit, putandum esse existimo, cum nullibi eiusdem fiat mentio, nec ab ullo, quotquot etiam sciscitaui, visa sit viris doctis rerumque botanicarum et librorum ad illas pertinentium amatoribus. Plura qui de splendido hoc opere scire auet, adeat *Acta Eruditorum*

A. 1684.



A. 1684. p. 159. seqq. De usu atque pretio horti huius *Eystettensis*, vix verba faciam, cum ex asse iam eruditorum votis satisfecerit Cl. MOEHSENIUS. Sed de exemplaribus eius nonnullis, in quibus coloribus insuper figurae plantarum ad viuum pictae, apparent, addere quaedam aequum est.

Exstat autem eiusdem exemplar in *Regia Bibliotheca Berolinensi*, quod vehementer laudat et accurate describit, saepe laudatus, nunquam laudandus satis *Berolinensium Podalirius* MOEHSENIUS. Exstat etiam eiusmodi in *Bibliotheca publica Norimbergensi*, et denique quoque eiusmodi pariter viuis coloribus eleganter illuminatum feruatur in *Bibliotheca publica Magnifici amplissimique Senatus Lipsiensis*. De hoc ultimo ANTONIVS WEIZ, in seiner Beschreibung der *Raths-Bibliothek zu Leipzig*, inter alia scribit: Unter allen ist zu consideriren das unvergleichliche Werk, Hortus Eystettensis. Es ist solches ein Buch in groß Folio, in



rothen Saffian gebunden, und verguldet auf dem Schnitt, so aus vielen Kräutern und Blumen, in Kupfer gestochen, bestehet. Diese Kupferstiche hat ein vornehmes Frauenzimmer dieser Stadt aufs künstlichste nach dem Leben gemahlet, so daß sich ein jeder Kenner nicht genug daran delectiren kann.

Fuit autem *haec*, cuius artifex manus vitam dedit iconibus, ipsius beati Aui mei materni, GODOFREDI GRAEVII, Consulis olim Lipsiensis grauissimi, Batauorumque illius IOANNIS GEORGII fratris germani, ex tribus uxoribus media coniux, cuius memoriam renouare hic atque posteritati conseruare iustum putauit. Posuit vero ipse GRAEVIUS, quo colophonem narrationi huic imponam, sequens *illi* monumentum:

QVOD



QVOD FLORVM PLANTARVMQVE CORPVS
SVMMO PRAESVLE EYSTADIENSIVM AVCTORE
BESLERI PRVDENS INDVSTRIA DEFORMAVIT
EI VITAM QVAE ADHVC DEESSE VIDEBATVR
COLORVM SPLENDOREM ADDENDO
VENVLARVM QVOQVE RAMVLOS ET PVNCTA
MINVTVLA ACCVRATISSIME DESIGNANDO
ASPIRARE COEPIT
INGENIO MANVQVE ARTIFICE
NON MINVS QVAM VIRTUTE AC PIETATE
PRAESTANTISSIMA FOEMINA
DOROTHEA MAGDALENA BRVMMERIA
GODOFREDI GRAEVII VXOR DESIDERATISS.
SED OPERI INTENTAM MORS OCCVPAVIT
IDQVE INCHOATVM RELINQVERE COEGIT
CVIVS INCEPTI TAM NOBILIS
NE INTERIRET MEMORIA
EIVS MONIMENTVM MERITO HVC

P.

MARITVS MOESTISS.

A. S. M D C X C I.



B 4

II



II

Der schwangern Frauen und Hebammen Rosengarte.

Liber rarissimus forma quadripartita, auctore, ut ex epistola dedicatoria patet, EVCHARIO ROESLIN, Med. Doctore, *Augustae Vindelicorum* An. 1532. prodiit, duodecim explet plagulas et variis figuris ligno incisus ornatus est. Titulum iam indicatum et figura ornatum excipit statim epistola ad *Celsissimam Sevenissimamque Principem* CATHARINAM, Ducem Brunsvicensensem et Luneburgensem, nuncupatoria, in qua, quod ad docendam obstetricibus artem obstetriciam, vocaverit se, gratias *illi* agit, deque instituto suo ubertim exponit, et *eius* contra obtrectatores implorat tutelam, quare ita, quod adduxisse iuvabit, concludit: Ist deshalb an E. F. G. mein underthänigst Bitt, E. F. G. wolle dieses Buch, d' schwangern Frauen Rosengarten

fengarten gnannt, von mir gnedigklichen
 empfahen, und in E. G. Fürstenthumb und
 andern teutschen Landen, den ersamen züch-
 tigen schwangern Frawen und Hebammen
 austheilen, bin ich ungezweyffelter Hofnung,
 sy werdent darinn gnügsam Bericht finden,
 wie sie sich in allen Dingen halten sollen.
 Und ob E. F. G. merers Berichts, der in
 diesem Buch nicht begriffen, zu wissen beger-
 te, dieweyl sich nit alle Ding zu schreiben
 gepürt, will ich E. F. G. aus gehorsamer
 underthäniger pflicht, mündlichen Bericht
 zu geben, ganz willich seyn, und hie mit will
 ich mich in E. F. G. schutz und schirm, wie-
 der die Klaffer underthänigklichenn bevolhenen
 haben. Datum zu Wurms, auff den zwain-
 zigsten Tag des Monats Hornung, im Jar,
 als man zalt vonn der Geyurt Christi, tau-
 sent fünfhundert und dreyzehn Jar. Sequitur
 nunc auctoris ad grauidas et obstetrices
 admonitio carmine germanico exarata et
 dein praefatio, in qua breuiter strictimque



exponit, praesentem suum libellum ex clarissimorum medicorum scriptis esse collectum, quidue in eo praestiterit. Hanc excipit elenchus capitum totius libelli, quorum sunt duodecim, et dein tractatio ipsa, finem vero facit index nominum herbarum latino-germanicus, quarum in ipso libello fit mentio, et in calce eius haec leguntur verba: **Getruckt und vollendet in der Kayserlichen statt Augspurg durch Hannrich Stayner am XIII. Mart. im M. D. vnd XXXII. Jar.**

Quod libro huic statuendum sit pretium qualemque habeat usum, diiudicare haud audeo; iudicent lectores, quibus omnem capitum syllabum et primum ipsius tractationis caput, ipsis auctoris verbis proponere liceat. Haec vero sic se habent:

Inhalt der Capitel diß Büchleins.

Das erst Capitel sagt, wie das Kind raht vnd ruhet im mutter laub, vnd wie mit vil felin es vmbgeben ist oder vmbgewechslet. **Das**

Das andre Capitel sagt von der Zeit der Geyurt, vnd wölliche Geyurt natürlich, oder wieder die natur sey.

Das drit Capitel sagt, wölliche Geyurt hart oder ring sey, vnd wie man sie erkennen sol.

Das vierdt Capitel sagt, wie sich die Frau vor vnd in der Geyurt halten sol, vnd wie man ir in harter Geyurt zu hülffe kommen soll.

Das fünfft Capitel sagt, in sonder Arzney vnd stück, die die Geyurt fürdern ring und leycht machen.

Das sechst Capitel sagt, wie man das büschelin das ist secundinam von einer Frau bringen sol, ob es nit selbst keme.

Das siebent Capitel sagt von mancherley Zufellen, so den Frauen in vnd nach der Geyurt kommen vnd zusallen, vnd wie man dieselben Zufel der Frauen wenden sol.

Das



Das acht Capitel sagt von mißlingen zu den Kindern; von Ursachen vnd Zeichen des mißlingens, auch von Zufellen nach den mißlingen, vnd wie man das mißlingen der Frauen zu den Kindern fürkommen vnd wenden sol.

Das neundt Capitel sagt von dem todten Kind inn mutterlayb vnd von den Zeichen eines todten Kinds. Vnd wie man das todt Kind auß mutterlayb bringen sol in zween weg.

Das zehend Capitel sagt, wie man das newgeborn Kindl handeln, bewaren vnd beschützen sol, und sein pflege.

Das elft Capitel sagt, wie man das newgeborn Kindl säugen sol, vnd wie lang, auch wie die seugam vnd yr milch seyn sol.

Das zwölft Capitel sagt, von mancherley Zufellen vnd frantzheiten der newgeborn Kindlein, vnd wie man yn helfen sol; vnd dis Capitel ist gethaylt in xxxvi thail.

Sit ergo nunc speciminis loco caput
primum:

Das erst Capitel sagt, wie das Kind rastet und ruhet inn mutterlayb, vnd mit wie viel fellin es vmbgeben vnd verwicklet sey.

Das Kind ynn mutterlayb enthalt sich also, Sein angesicht ist gesenckt vnd genaigt gar nahe auf sein knyelein, vnd liegent jm sein Hend auf seinen Knülin, vnnnd seine Augen gegen den Knülin, vnd ist eingekrückt vnnnd gebogen als ein swelfugel, vnd ist sein angesicht vnnnd das vorderthayl seines laybes gekert gegen der Mutter rücken.

Item, das Kind ynn mutterlayb ist verborgen, oder verwicklet mit drey felin, das erst felin beschleust vnnnd vmbgiebt das Kyndlein vnnnd die ander zway felin. Darumb das beschirmpt werde die frucht von bösen vbrigen flüssen der Frawen blümen so dann beleyben, nach dem vnd die fraw entfangen hat, die nit taugenlich oder nützlich seynnd, weder zu der fürung oder merung des finds, sondern
stande

stande dieselben fluß der frawen blümen zwischen der Bermuter vnd dem ersten felin bis zu der zent der Gepurt, denn zu derselben zant werden sie hinweg gerainigt und ausgetryben mit der frucht vnd mit dem felin. Vnd dis erst felin ist genant zu latain Secundina, vnnnd zu teutsch das Büschlein oder nachgepurt, vnd ist not, so die fraw des Kinds genesen sol, daß das felin auffprech, oder auffgethon werde, von der Hebammen, als hienach geschriben statt.

Das andre felin ist genant biles, vmbß gibt das Kind, von dem nabel hinab, bis vnnnden hinaus, vnnnd hat viel runzeln vnd frumme renck odder Weg, gleich als ein gefaltet Klayd, inn dem der Haren, der schwanß, vnd ander scharpfe ding, so von dem Kind kommen, gesamlet, behalten vnnnd beschlossen werden, bis zu der Zant der gepurt, darumb daß die scherpfen des Harens vnd des schwanß nit äße vnd seer mach das Kind, oder das erst felin.

Denn

Denn dieweyl das Kind im mutterlayb ist, so harnet es nit zu seinen gemächtenn, sondern sein Haren fleußt durch ein äderlein von des Kindes nabel ynn das ander felin, von dem yezund gesaget ist.

Das dritt felin, das dem Kind allernächst anleyt, vnd es ganz umbgiebt, vnd beschirmpt das Kind, vor der scherpfe seines Harens, so dann von ym auß dem nabel durch ein rörlein oder aderlein fleußt in das ander felin. Auch beschirmpt das drit felin, als da spricht der große Albertus, wird genennt von den Hebammen zu latain *Armatura conceptus*, vnd zu teutsch schirm des Kinds, Avicenna nennt das felin abgas.

Sed haec adduxisse sufficiat, cum satis superque colligere inde possint lectores, quem sibi ex eius lectione polliceri queant usum. Verum quidem est, multa inibi inue-



inueniri, quae saeculi genium sapiunt, sed certum est, bona mixta esse malis. Laudandus inprimis est auctor, quod negligat sic dicta instrumenta obstetricia, solumque manuum commendet usum, tanquam instrumentum optimum; manus enim nunquam nos fallere poterunt.

De Auctore consulendi sunt MERCKLINVS in *Lindenio suo renouato*, et KESTNERVS im *medizinischen gelehrten Lexico*, qui librum nostrum etiam latino idiomate sub titulo: *de partu hominis et parturientium atque infantum morbis*, *Parisis 1535. 8.* prodiisse testatur, quam vero editionem hucusque nondum videre licuit.



III

Decreta aliquot medica, quae in disquisitionem publicam proponuntur per D. Doctorem HENRICVM STROMER, ex hoc disputandi themate sumpta: Vtrum ebrietas vino contracta, capitis, cerebri et neruorum, qui ab illo oriuntur, morbus: sit doloris item capitis, tremoris, apoplexiae, paralyfis, comitialis morbi, conuulsionis, podagrae, chiragrae, anginae denique et senectutis et mortis praematurae causa? Respondente IOANNE PFEYL. Medic. studioso. Anno nat.

Seruator. MDXXXI.

Iam olim *Specim. I. Bibliothecae libr. rar. bist. criticae p. 22. et in Noët. Guelph. p. 183.* scriptorum minorum academicorum indicaui raritatem eiusque causas, et exempli gratia eiusmodi quaedam cum beneuolis meis tunc communicaui lectoribus. Pertinet huc etiam praesens, cuius exhibui titulum, libellus, inuentu rarissimus, et ab HENRICO STROMERO, Medico olim Lipsiensi celeberrimo,
Relat. Fasc. I. C in



in cathedra defensus, quem quidem, quod gratissima publice hic profiteor mente, debeo Viro Magnifico atque Experientissimo DN. D. CHRISTIANO STEPHANO SCHEFFELIO, in perantiqua Academia Gryphica Medico hodie Primario, quippe qui, pro suo in me fauore, beneuole me illo donauit. Explet autem ille in forma quadripartita plagulas binas, vel sedecim paginas, quo vero exhibita sit die, nullibi indicatur. Initium facit Praefidis et auctoris, HENRICI STROMERI, ad Lectorem praefatio, qua instituti rationem reddit, cur potissimum agat de ebrietate, omnium vitiorum teterrimo spurcissimoque. Sequuntur dein decem et nouem decreta, quibus, quae titulus indicat, ab ebrietate proueniencia explicantur incommoda; His accedunt, ut copiosius sit disputandi argumentum, decreta sex ab instituto aliena. Ex his memoratu digna mihi maxime visa sunt, ut et nostri aeui medicis quibusdam

in



in aurem dicantur *primum* et *tertium*. Illud sic se habet: *Impostores sunt circumforanei illi, qui profitentes artem medicam, quam nunquam didicere, in omnibus hominibus, in omni sexu, in omni temperatura, utuntur indiscriminatim iisdem medicinis: tanquam communem hominem et generalem, et non particularem curarent, quod est extremae demenciae. Hoc autem, tertium illi sibi dictum putando, qui corpus solummodo humanum medicinae obiectum esse arbitrantur, animamque e foro medico prorsus faciunt exulem. Doctus, inquit, Medicus curat ita corpus, ut neutiquam animum negligat. Medici enim munus est, animi mores fingere, quippe iracundia, fletus, ira, tristitia, cura immodica, et multae super his vigiliae, febres accendunt, ac gravissimis valetudinibus initia praebent et subministrant. Veluti e diverso, cogitationis mentisque segnities, animique ignavia desidiaque decoloratos et ob nutriendi inopiam et defectum, macie et squalore quo-*

dam efficiunt horridos, naturalisque caloris gignunt imbecillitatem. Siquidem calorem naturalem fouere oportuit: fouetur autem medicis cum corporis tum animi exercitiis.

Post haec decreta, decem leguntur problemata, quae itidem contra impugnantes tanquam vera, defensa sunt, ratioque eorum reddita, e. gr. 2) *Quid causae sit, quod carnes, plenae lunae per noctem expositae, facilius putrescant?* 5) *Quare pueri, statim ut ex matris utero in lucem prodierint, plorare incipiant?* et sic plura.


Finem tandem libelli duo carmina latina faciunt, quorum alterum *Bacchi quærela*, alterum *Medici purgatio*, inscriptum est.

De ipsius HENRICI STROMERI, et IO. PFEILII, qui postero die quoque artem medicam Lipsiae docuit, non est quod in praesenti addam vita, muneribus et scriptis, cum in *vitis Professorum Medicorum Lipsiensium*, quae alio tempore prodibunt, uberius de iis dicendi dabitur occasio. Conferantur tamen,



men, si placet, in praesenti MELCH. ADAMI
in *vitis Medicor.* p. 10. et 40. MERCKLINVS
in *Lindenio renouato* p. 403. et 658. KEST-
NER. im *Gel. Lexico* p. 647. et 817.

aliique plures.



IV

FRANCISCI FRIZIMELICAE, Patricii
Patauini, Medicinae in Lyceo patrio quon-
dam Professoris clarissimi, *de Balneis me-
tallicis artificio parandis*, liber postumus,
noui argumenti, e bibliotheca IOANNIS
RHODII. Patauii primum, nunc autem
impressus *Norimbergae*, impensis IOANN.
ZIEGERI, Bibliopolae. MDCLXXIX.

3. plag. in 8.

Maxime dignus est FRIZIMELICAE li-
bellus, qui in memoriam reuocetur. Cum
enim a doctissimis et de re medica litteraria
optime meritis viris, HERM. CONRING-
GIO, THEOPH. STOLLIO, et CHRIST.

GVIL. KESTNERO omiffus, nec ab ALBERTO HALLERO in opere Boerhaauiano, *Metbodo nempe studii medici emaculata et aucta*, memoratus fuerit, nulum mihi dubium est, quin rarioribus libris accenferi mereatur. Non solum vero ad rariores, sed etiam ad eiusmodi libros pertinet, qui nouum et singulare argumentum pertractant. Quamobrem, ut locus ipsi in hisce speciminibus primarius concedatur, necesse est. Et haec quoque causa fuit, cur RHODIVS illius exemplar manuscriptum e scriniis suis produxerit, et ut typis mandaretur, curauerit. Opusculum namque, quamuis mole paruum, pondere tamen maximum id esse, in praefatiuncula pronuntiat. Facta eius est impressio primum Patauii MDCLIX. per SEBASTIANVM ELPIDIVM, cui exemplar suum e Dania transmisit RHODIVS. Non multum quidem abfuisset, quin ista intercepta fuerit, cum sub ipso eius opere extremo
die



die fata sua clauferit RHODIVS, prout ex dedicatione typographi ad IO. POMPILIUM SCOTVM, Medicinae in Lyceo Patauino Professore, videre licet. Attamen, ne FRIZIMELICAE deperiret memoria, nec RHODII tanta non explicaretur intentio, incoeptum perfectum est.

Haud ingratum quibusdam fore censeo, si et potiora, quae in minori hocce opusculo continentur momenta ipsis indicem, et deinde quaedam de auctoris vita, muneribus atque scriptis adiiciam; cum fortassis pauci sint, qui harum rerum habeant notitiam.

Quod igitur ipsum primo opusculum attinet, omnia, quae in isto proferuntur, XIV capitibus inclusa esse, hisque et dedicationem typographi Patauini, et RHODII praefatiunculam, et seriem capitum praemitti, sciendum est. Ipsius autem tractationis initium facit breue auctoris *prooemium*, in quo is enarrat, quod ab aliquo iamiam



tempore balnea metallica artificialia parauerit, et loco naturalium usurpauerit; quale nunc artificium nonnullis amicis dictare vellet, quo iuuenes (sc. Medici) imposterum sibi ipsis illa conficere possent.

Quemadmodum vero FRIZIMELICA aquis metallicis naturalibus eximias in mendo vires tribuit; dum plurimis indicationibus simul adimplendis inseruiunt: ita idem de balneis metallicis artificialibus adferere, haecque pro illorum succedaneis habere non dubitat, insimulque ideo potissimum valde necessaria ea esse existimat, quod naturales thermae in plerisque locis deficient, et Medici aliis plerumque remediis earum loco tunc uti coacti sint.

Cap. I. p. 9. de aquis metallicis in genere et de generatione ipsarum edisserit FRIZIMELICA. Odore maxime, sapore et tactu ab aliis aquis illas distingui, et ab ipsa terra, metalla continente (sub quibus quaeuis fossilia cum antiquis intelligit) suas qualitates



et subtiliores partes, stellarum et solis imprimis calore, accipere autumat: combustioni cinerum in terrae visceribus causam, cur incalescant aquae et feruentes fiant, adscribens.

Cap. II. p. 12. de speciebus aquarum metallicarum, et signis, quibus singula species cognoscatur, ipsi sermo est. In simplices illas distinguit, quae unico tantum metallo impraegnatae sunt; et in^e compositas; ex diuersis metallorum generibus commixtas, ita tamen, ut semper unum metallum ceteris dominetur: quamuis prioribus perpetuo quoque sulphuris quidpiam inhaereat. Ad priorem classem refert ferreas Calderianas Veronenses; in aquis vero Aponitanis, ut et mortis aegrotorum et sanctae Helenae balneis sulphur, in balneis sancti Petri alumen, et in luto sancti Bartholomaei asphaltum, principatum obtinere adserit. De aureis argenteisque aquis profitetur, quod ob nimiam acrimoniam nullius in medicina



usus sint, imo et raro visantur. Reliquarum vero metallicarum aquarum materiam, odore, sapore, loco, per quem dilabuntur, et subsidentia, cognoscendam esse censet.

His praelibatis ad ipsam rem propius devenit, et *Cap. III. p. 14.* inquit, *numquid possibile sit artificio, naturalibus aquis metallicis similes parare?* Quamvis hanc rem in dubium non vocet, fateri tamen cogitur, artis opus naturae opere semper quodam modo imperfectius esse, cum aquae artificiales nunquam pro potu, sicuti naturales, sed pro balneis tantum et stillicidiis usurpari queant.

Cap. IV. p. 17. demonstrat, *quod tutius interdum aquae metallica arte paratae administrantur, quam a natura confectae;* cuius demonstrationis cardo in eo vertitur, quod illae facilius commodiusque parari in aëre puriori, quam qui in thermarum cubiculis communitur esse solet, adhiberi; et semper pro morbi tollendi necessitate construi possint.

Cap.

Cap. V. p. 20. docet, quo pacto hae aquae metallicae in genere parari debeant. Tria in hoc opere potissimum aduertenda esse monet: nimirum aquam, quae purissima atque tenuissima sit; metalla, quae optima sint; et vim ignis, quae tanta sit, ut aqua, cui metalla immisceantur, ferueat, quo hic fundi, et virtus et partes eorum subtiles in ipsorum aquam recipi possint. Quod si vero metalla cum herbis permiscere quis velit, illi suadet, ut has prius illis decoquat, et decocto deinde sua metalla immisceat.

Cap. VI. p. 22. ostendit, quomodo nunc primum aquae sulphurae una cum herbis conficiendae sint? Herbas cum sulphure coquendas, naturae morbi semper conuenientes esse, adfirmat, illasque calefacere et leuiter exficcare autumat; hinc in frigidioribus aequae ac humidioribus malis, et his, qui ex resolutione fiunt, aut eam coniunctam haber, maxime illas praedicat. Si vehemens aqua esse debet, sulphur in quadragesima aut quin-



quingagesima parte ipsi admiscet; si vero mitissima, septuagesimam eius non nisi partem addit.

Cap. VII. p. 26. docet, quo pacto aluminosae, salsae, et nitrosae aquae parandae sint. De aluminosis adserit, quod siccent et roborent: quare in ulceribus, hydrope, nimio fluxu mensium, et fluore albo illas commendat, dummodo corpus antea exquisitè purgatum fuerit. Hydropicos, et qui humida scabie, aliisque morbis humidis laborant, falsis aquis immergit. Nitrosis in relaxatis membris roborandis utitur.

Cap. VIII. p. 29. de aquis loquitur, quae calcem et cinerem attinent; hasque non nisi cum aliis mitioribus commixtas, ad exsiccandum, roborandum, resoluendum et calefaciendum, proponit.

Cap. IX. p. 31. de bituminosis, et bis, quae ex pice et asphalto sunt, agit. Ex hisce corporibus, ope cerae, lutum parat, hocque ad contracta membra adhibet.

Cap.

Cap. X. p. 34. modum demonstrat, quo terrene, aereae, argenteae et aliae istius modi generis aquae in usum trabantur. Diuersus est hic modus a priori, siquidem non decoctione, sed extinctione tantum in aqua metallorum dictorum ignitorum perfici debet.

Cap. XI. p. 36. balnea ex pluribus metallis composita considerat, et ordinem, quo decoquenda ista metalla sint, exponit.

Cap. XII. p. 38. disquirat, num in usu balneorum artificialium ea, sicuti in naturalibus, seruanda sint, et demonstrat, 1) quod balnea artificialia mitiora sint artificialibus; 2) quod omni tempore iis uti liceat; 3) quod tanta purgatio, ac in his, non praecedere debeat, 4) quod quispiam diutius in illis commorari possit; 5) quod etiam stillicidia diutius, per $1\frac{1}{2}$ horam nimirum, usurpari queant; et 6) quod debilitatis eiusmodi aquis actiuitas reddi possit.

Cap. XIII. p. 41. edisserit, quanto tempore aquae artificiales seruari queant. Diutius

qui-

quidem has, quam naturales durare, attamen magis fortasse putrescere posse, existimat.

Cap. XIV. p. 42. fumosa balnea conficienda docet, et duplicem modum, hanc rem peragendi, proponit, nimirum ut vel vapor humidus ab ipsa aqua ad membrum deriuetur, vel ficcus vapor ex filicibus ignitis et in aquam immerfis excitetur. Diuersam utrique naturam et qualitatem tribuit, ac posteriorem pro acriori, quam priorem habet.

Hæc sunt potiora, quæ in opusculo hocce continentur, momenta. Vt vero promisso satisfaciam, quaedam adhuc de ipso auctore, multis forsitan ignoto, mihi dicenda sunt. De vita atque muneribus eiusdem nonnulla habent GEORG. ABR. MERCKLINVS in *Linden.renou. p. 286.* CHR. GVIL. KESTNERVS im *medic. Gel. Lexic. p. 318.* et Cel. CHRIST. THEOPH. IOECHERVS im *allgemeinen Gelehrten-Lexico, P. II.*

P. II. p. 767. In nomine eius scribendo diuerfitas quaedam obseruatur, ita, ut a quibusdam loco litterae z, modo c, modo f, modo g, ponatur. Natus erat FRIGIMELICA, prouti IOECHERVS e. c. illum nominat, Patauii MCCCCLXXXI. et medicinam theoreticam ibidem docuit. IVLIVS III. Pontifex Romanus illum deinde Romanam, valetudinis tuendae gratia, ad se vocauit; sed regressus est in academiam patriam, mortuo IVLIO MDLV, ubi ipse tandem MDLIX. vitam cum morte mutauit. Quod solam aquam potauerit; dolorem colicum saepe passus sit; et aliquando hoc grauissime afflictus, ano calculum, oui gallinacei magnitudine, excreuerit, apud HIERON. CAPIVACCIVM inuenio, *Med. Pract. Lib. III. Cap. XIII. p. 601.* ALEXANDER MASSARIVS cum praeceptorem habuit, quem nunquam satis laudandum dicit. Extolluntur quoque eius laudes a LVDOV. ARRIVABENO in *Syluio ocreato*, qui IAC. SYLVII

Opp.



Opp. Coloniae 1630. impressis infertus est; et a PROSP. MANDOSIO in *Theatr. Archiatr. Pontif.* quod Romae 1696. prodiit, p. 73.

Praeter memoratum opusculum FRIZMELICA Tractatum quoque conscripsit de *morbo gallico*, et lucubratiunculam *aduersus defluuium pilorum*. LINDENIVS quidem et MERCKLINVS *l. c.* eius mentionem faciunt, sed annum, quo impressus est, omittunt, unde nunquam ipsis visum esse auguror. IO. ASTRVC vero illum habet, tract. *de morb. vener. p. m. 530*. Sed dubium mihi est, an recte eum indicauerit, cum apud MART. LIPPENIVM in *Bibl. real. med.* alium reperiam. Iuxta priorem enim a. 1558. iuxta hunc vero a. 1564. prodiit 4. Eius frater, ANTONIVS, duos quoque, quos reliquit tractatus, publici iuris fecit, unum de *utilitate vipera- rum*, et alterum de *peste Patauina*. Neutrum inuenio apud MERCKLINVM, et me ipsum latet, quo anno euulgati sint.



V

VOPISCI FORTVNATI PLEMPHII,
Amstelredamensis, Artium et Medicinæ
Doct̃oris atque in Academia Louaniensi
Pract̃icen primo loco profitentis, *Ophthalmographia*, siue *Tractatio de Oculo*. Editio
tertia, recognita et aucta. Cui præter
alia accessere GERARDI GVTISCHOVII
Animaduersiones in *Ophthalmographiam*,
ad easque responsio. *Louanii*,
typis ac sumtibus HIERONYMI NEM-
PAEI, anno M.DC.LIX. Cum gratia et
priuilegio. Pagg. 299. absque indice,
in folio.

Cum plures, tres nempe, vel ut alii volunt,
quatuor huius libri prostant editiones, ne-
cesse est, ut nostram, quæ a MERKLINO,
KESTNERO et STOLLIO omissa, ultima, om-
niumque perfectissima est, commendemus.
Differt enim in eo a reliquis, quod quinto
non tantum libro, ubi curationes affectuum
ocularium tractantur, sed insuper etiam



GERARDI GVTISCHOVII, Mathematices, Anatomices, Chirurgices et Botanices in Academia Louanienfi Professoris animaduerſionibus, cum autoris ad illas reſponſionibus, aucta ſit. Compoſuit hoc opus PLEMPIVS anno aetatis ſuae vigefimo octauo, uti ipſe dicit *pag. 281.* et celeberrimos tunc temporis Opticos, KEPLERVM et SCHEINERVM penitus deuorauit et imbibit. Prima eius editio prodiit Amſtelodami 1632. in 4. ſecunda Louanii anno 1648. fol. et tertia, quae noſtra eſt, eodem loco et eadem forma 1659. fol. Inter primam quam indicaui et ſecundam, iuxta HALLERI mentem in *Herm. Boerhaauii meth. ſtudii med. pag. 456.* alia Louanienſis de anno 1638. ponenda eſſet, ſicque quatuor exiſterent editiones; verum cum noſtra, quae ultima eſt, in titulo tertia nominetur, anceps haereo an aliqua de anno 1638. reuera proſtet, HALLERVMque, ſua corrigendi omnia atque aliquid noui proferendi libido, non feſellerit.



In *quinque* autem libros *Ophthalmographia* diuisa est. *Primus* p. 1. oculum externum atque internum describit. *Secundus* p. 34. actionem oculi patefacit. *Tertius* p. 92. singulorum oculi partium officium proponit. *Quartus* p. 121. problemata de oculis et visione explicat, quorum 1) est: An visus circa objecta sua fallatur; 2) Cur pluribus intentus minor sit ad singula visus; 3) An visus laboret et defatigetur; 4) Quomodo visus ab excellenti visibili laedatur; 5) Quomodo colores medii visum recreent; 6) An et quomodo sonus vehementior visui officiat; 7) An visu fieri possit fascinatio et contagio; 8) An visus homini perfectissimus; 9) An visus terram possit penetrare; 10) An, quibus praestantior odoratus, visus sit deterior; 11) Cur aquae potiores visu sint acutiores; 12) Ad quantum spatium visus se extendat; 13) Cur ambo oculi semper simul moueantur; 14) Quo modo duobus oculis res una non appareat gemi-



na; 15) An alterutro oculo sursum vel deorsum impulsio res simplex videatur geminari, ad latus autem pressio non item; 16) Vnde fiat, ut res singularis binis oculis conspiciatur gemina; 17) An uno oculo possit videri res una geminata et multiplex; 18) Cur ebriis et vertigine detentis omnia circumferri videantur; 19) Cur ex intuitu longiore rei, quae circumagitur, vel alias celeriter mouetur, etiam alia non mota similiter moueri videantur; 20) An et quomodo obiecto remoto quidpiam in visu remaneat; 21) Vnde fiat, ut interdum fulgores et scintillationes in oculis percipiamus; 22) Vnde fiat, ut interdum muscae, culices, et similia id genus, oculis obuersari videantur; 23) An et quomodo, quae intra oculum sunt, videantur; 24) An et unde fiat, ut quibusdam res perforatae, et quasi fenestratae aut dissectae videantur; 25) An et quomodo noctu in densis tenebris quidam videre possint; 26) Cur quorundam

dam animalium oculi in tenebris colluceant; 27) Vnde factum, ut *Antipheron* suam ipsius imaginem sese antegredi viderit; 28) Cur in politis corporibus nostras rerumque imagines intueamur; 29) Quid per reflectionem in speculo videatur, an species, an obiectum ipsum; 30) Cur in vulgaris speculi repraesentatione laeua cum dextris permutentur; 31) Quare connexum speculum parua reddat, cauum magna, planum mediocria; 32) Cur in speculo imbecillis fiat imaginis impressio; 33) Cur in uno speculo imagines unius rei plures appareant; 34) Cur specula aliqua ostendant imaginem infectam alio colore, quam quo obiectum est praeditum; 35) Quae pars reddat imaginem, quam in aduerso alterius oculo cernimus; 36) Quid et unde sint radii, quos circum lucernae flammam videmus; 37) An ob visus infirmitatem stellae scintillare videantur; 38) Cur lucida et alba procul posita maiora appa-



reant, minora prope; 39) Cur aliqui remota tantum videant, aliqui tantum propinqua, aliqui recte utraque; 40) Cur iis, qui remota distincte vident, propinqua confuse, perspicilla conuexa profint; ii vero, qui confuse vident remota, distincte propinqua, concavis perspicillis iuuentur. 41) Cur obtuse videntes, ut videant acutius, palpebras contrahant; 42) Cur myopes communiter minuscultas literas scribere soleant; 43) Cur lusciosis auersos curru vehi profit; oblit vero, vehi aduersos; 44) An ab altero oculo tantum robustior et exquisitior perficiatur visio, quam ab utroque simul; 45) Cur collineantes et rectitudinem explorantes alterum oculum claudant; 46) An uno oculo distantia obiecti cognosci possit; 47) An et cur sinistro oculo aequae ac dextro videamus; 48) Cur oculus optime videat e tenebris; 49) Cur stellae interdum e profundis puteis conspiciantur; 50) Cur ii, quibus sunt oculi



oculi profundiores, acutius videant, quam quibus prominentiores; 51) Cur manu prae lucerna aut sole obiecta melius videre possimus; 52) Cur ex tenebris in lucem confestim transeuntes videre non possimus, et ne quidem ex lumine in tenebras; 53) Cur adspectui viciniora euidentius cernantur; 54) Cur visu valentes ac perspicaces obiecta proxime oculis admota, improbe et confuse videant; 55) Cur visus ad multum propinqua aegrius respiciat, quam ad remotiora; 56) Cur directius visui opposita perfectius videantur, et quo obliquius, eo imperfectius; 57) An caesi oculi noctu sint perspicaciores, interdiu hebetiores, nigri contra; 58) Cur nonnullorum oculi noctu sint perspicaces, interdiu hebetiores; 59) An angustia pupillae faciat videri res minores; 60) Vnde fiat, ut obiecta quibusdam appareant inuersa; 61) An, si senex haberet oculum iuuenis, videret ut iuuenis; 62) An potentia visiva aquilae et bouis distinguantur



specie; 63) Cur, si quis in aëre nebuloso degat, sibi proximam nebulam non videat, distantem autem videat; 64) Cur in aqua simulacra maiora veris videantur; 65) Cur remus in aquam demissus flexus fractusue appareat; 66) Cur melius videamus nocte oculos iuxta terram deponentes, quam stantes erecti; 67) An per nasum cuiquam videre liceat; 68) An verum sit augurium non timendi mortem in aegritudine, quamdiu oculorum pupillae imaginem reddunt; 69) Vtrum non detur regressus a coecitate ad visum; 70) Num queat videri res non existens; 71) An veteres usi sint perspicillis; 72) An clausis palpebris possimus dici videre; 73) Cur sanguinis multa emissio visum minuat; 74) Cur oculus, pars externa et nuda corporis nostri, nunquam frigeat? *Quintus* tandem liber pag. 197. affectuum ocularium curationes continet. Sequuntur nunc p. 247. GER. GVTISCHOVII animaduersiones in ophthalmographiam, ad easque PLEMPII responsio.

Plures

Plures praeterea PLEMPIVS noster libros composuit, quorum catalogum exhibent MERKLINVS in *Lindem. renou. pag. 1048. 1049.* CHRIST. IO. LANGIVS in *Opp. pag. 44.* et CHR. GVIL. KESTNERVS in *medic. Gel. Lexic. pag. 664.* sed LANGII index omnium locupletissimus est. Natus est Amstelodami, a. 1604. et e grege protestantium reformatorum ad catholicorum castra eum in finem transiit, ut munus Professoris in Louanienfi academia obtineret. Fassus tamen est RIOLANO, quod statim priora castra repetere vellet, simulac Hollandiae ordines in Lugdunensem academiam illum vocarent. (GVIL. PATIN. *Lettres Vol. III. pag. 622. 623.*) Voce et scripto contra HARVAEI inuentum de circulatione sanguinis publice quidem et acriter testatus est; sed, dum ei refutando incumbibat, ipse demum refutatus et explosus fuit, quum HARVAEI rationes probe examinando et viuos aliquot canes eum in finem



dissecando, omnes verissimas compererit. Ita illum non pudet de se ipso scribere *Fundam. medic. pag. 128.* Bruxellis obiit a. 1671. si STOLLIO fides est in der Anleitung zur Historie der medicinischen Gelahrtheit pag. 251. de qua re ego non tantopere, ut KESTNERVS, dubito, siquidem PLEMPIVM *commentationem* suam de *Togatorum valetudine tuenda* a. 1670. Bruxellis diuulgasse certum est; quare PLEMPIVS non solum circa annum 1650. sed etiam circa a. 1670. adhuc respirauit.





VI

MARTINI SCHOOCKII *Traëtatus de Turffis, ceu cespitibus bituminosis*: quo multa, ab aliis hæcenus aut neglecta, aut minus diligenter examinata, accuratius aliquanto excutiuntur. *Groeningae*, typis I. O. CÖLLENII, Bibliopolæ et Typographi. 1658. 12. pagg. 256.

Quum nullum dubium sit, quin eorum libri in monumentis historiae litterariae præcipue mereantur annotari, qui rem aliquam primum accuratius pertractare et examinare studuerunt: hinc nullum quoque dubium est, quin istud, cuius titulum indicaui, opusculum, hic iure sibi locum vindicare possit. Quod enim primus SCHOOCKIUS glaciem hac in re frangere laborauerit, id ipse in præfationis limine refert. Sed præterea nullus forsitan erit, qui neget, quod istud ad rariora scripta pertineat. Duplici igitur ex causa dignum est,



est, ut in medium producat, et potiora eius momenta recitentur. Omnis res XXXII capitibus comprehenditur, quorum contenta haec sunt: Cap. I. Merentur Turffae attentius examen: Summam admirationem viris magnis, iisque peregrinis, incusserunt, et inter *κειμήλια* ab iisdem seruari solent. pag. 1. Cap. II. Turffae non solum in quibusdam Belgii prouinciis, nominatim Brabantia, Zutphania, Frisia, Vltraiectina dioecesi, Transisalanica, Groninga, Omlandia, Drentia; sed etiam in Anglia, quibusdam Galliae prouinciis et Germania; imo in Orcadibus inueniuntur, pag. 6. Cap. III. de locis specialibus magisque propriis, e quibus in Belgio Turffae eruuntur. De vocibus Belgicis *Vaenen*, *Broeck*, *Moer*, *Marsch*, *Goor*, *Donck*, et *Waesfe* variisque earundem compositis. p. 11. Cap. IV. Variarum opinionum multarum, de Turffarum prima origine. pag. 20. Cap. V. Errores quorundam circa Turffarum primam



nam originem, propositis variis assertionibus, notantur. p. 24. Cap. VI. Quid de Turffarum origine existimandum sit, variis assertionibus affirmatiuis explicatur. pag. 30. Cap. VII. De materia Turffarum, bitumine scilicet ac sulphure. pag. 41. Cap. VIII. De aliis nonnullis ad Turffarum constitutionem concurrentibus. Cur in iis natura bitumen cum sulphure constrinxerit. Digressio ad cornua Monocerotis. pag. 46. Cap. IX. De variis Turffarum diuisionibus atque differentiis. p. 51. Cap. X. De variis nominibus, quae in diuersis linguis, tum Turffae in communi consideratae, tum etiam diuersae illarum species ferre solent. p. 55. Cap. XI. Variæ rationes adferuntur, cur Turffae siue bituminosae glebae tam multiplices differentias admittant. pag. 63. Cap. XII. De multis, quae se offerunt, dum Turffae effodiuntur, speciatim de arboribus, quae ordinario inueniri solent. pag. 72. Cap. XIII. De aliis, quae praeter arbores inter fodien-
endum



endum prope Turffos inueniuntur. pag. 96.

Cap. XIV. An materia, cespititia effossa, progressu temporis restaurari possit? p. 104.

Cap. XV. De modo, secundum quem bituminosae hae glaebae exsiccati consueuerint.

p. 109. Cap. XVI. De cineribus in com-

muni; speciatim de cineribus Turffarum.

pag. 115. Cap. XVII. De carbonibus in

genere; itemque de carbonibus Turffarum

in specie. pag. 125. Cap. XVIII. De fu-

mo, qui ex cespitibus bituminosis exhalat;

item de flamma et fuligine. pag. 136.

Cap. XIX. Varia tum historiam, tum na-

turam Turffarum concernentia per proble-

mata proponuntur; quorum occasione

multa de chalybe notantur. pag. 146. Cap.

XX. Notantur varia Belgarum proueria,

Turffas respicientia. pag. 167. Cap. XXI.

De instrumentis, quorum usus est in effo-

diendis Turffis. pag. 174. Cap. XXII. Quo

artificio venae incultae ad effossionem dispo-

ni, aquisque paludosis liberari consueue-

rint.



rint. p. 182. Cap. XXIII. Quo ordine procedi
soleat, in emendis Turffis. p. 185. Cap. XXIV.
Qua ratione effossae Turffae exsiccati atque
ulterius disponi consueuerint. p. 187. Cap.
XXV. De canalibus et cataractis, quorum
usus pro deuictione Turffarum in Turffo-
dinis requiritur. Item de praecauendo
venarum et Turffarum incendio. pag. 192.
Cap. XXVI. De mercatura Turffica, per
quos ea exercentur et quomodo. Item
de vectigali e Turffis cogi solito. pag. 196.
Cap. XXVII. Quid existimandum sit de
venarum Turfficarum per Belgium foede-
ratum redemptione? pag. 202. Cap. XXVIII.
An conducat Belgio foederato, paludes
exsiccati atque in usum Turffifodinarum
destinari? pag. 215. Cap. XXIX. De cesp-
tibus inflammabilibus ex fimo animalium
confectis: illustratur Ezechielis locus. p. 220.
Cap. XXX. De lithantracibus, et locis unde
effodiuntur. p. 222. Cap. XXXI. De natura
et variis differentiis horum fossilium car-
bonum. pag. 228. Cap. XXXI. De variis
carbonum fossilium usibus. pag. 235.

Hicce



Hicce tractatus non nisi bis impressus fuit. Mea editio prima est, altera vero Groningae 1668. prodiit. An auctior nescio. Polyhistor et Polygraphus erat SCHOOCKIUS, ita ut ultra sexaginta libros varii argumenti numerare possis, quos composuerit. Catalogum physico-medicorum inuenies apud MERCKLINVM in *Linden. renou. pag. 791.* sed notes, quod omissorum ibi numerus, adductorum numerum superet. Desiderantur namque *eius Tract. de Cereuisia; de Harengis siue balecibus; Diss. XI. de anima belluarum; de Ecstasi; de lino; encomium fumi; encomium surditatis; de tulipis; de inedia s. medicamento uniuersali negatiuo; de ardente Vesuuio;* et fortassis plures, quorum notitia nondum ad me peruenit. Qui de eius vita atque dignitate aliqua scire cupiunt, adeant FREHERI *Theatr. Viror. erudit. clar. pag. 1552.* HENR. WITTE *Diar. Biograph.* REIMANNI *Histor. litterar. Germ. Tom. VI. pag. 450.* et STOLLII *Historie der medicinischen Gelahrtheit, pag. 891. 892. b.*



VII

DIODORI EVCHYONTIS de *Polychymia*
Libri quatuor. Anno M.D.LXVII. 8.
pagg. 229.

Rarissimum librum profero. Quis autem, fuerit EVCHYON, quo tempore vixerit, an ita vere nominatus fuerit, sicuti titulus indicat, an vero nomen fictum adsumserit, haec omnia me prorsus fugiunt. ^{t)} Tam altum enim est de ipso apud rei chemicae et alchemicae autores, eiusque generis scriptorum col-

Relat. Fasc. I.

E

lecto-

t) VINCENTIVS tamen PLACCIVS *Theatro Anonymorum et Pseudonym.* ex ed. FABRICII; Hamb. 1708. p. 263. haec habet: DIODORVS EVCHYON de *Polychymia*. - - Prodiit, illo nomine praefixo, versio latina libri germanici, innominati auctoris, de aquis, oleis, salibus et lapide Philosophorum, addita praefatione de chymicae artis praestantia et commendatione, Tiguri in 8. Fictitium hoc EVCHYONTIS nomen esse, et sub eo latere GASPARVM WOLFIVM, Tigurinum Medicum, innuit FRISIVS *Bibl. Gesner.* p. 260.



lectores silentium, ut frustra totidem libros, quot nancisci potui, eius causa euolverim. Ex anonymi vero editoris praefatione, de ipso opusculo, nonnisi tantum referre licet, unicum eius exemplar, idque mendosissimum ad eius manus pervenisse, quod in insigne chemicorum commodum ideo typis mandare et quidem emendatum illustratumque consultum duxerit, quia EVCHYONTIS libri iam situ et squalore obduci, fordescere atque tineis corradi coeperint. Liber *primus* p. 1. *aquas* pertractat, *secundus* pag. 79. *olea*, et *tertius* p. 151. de *salibus* est. *Quartus* p. 182. est fragmentum *Fratri HELIAE de compositione lapidis philosophorum*, quod editori nonnisi ob argumenti similitudinem tribus prioribus adiacere visum est.



VIII

FORTVNII LICETI, Genuensis, Phil.
Medici, olim Pisis, nunc in Patauino
Lyceo philosophiam prima hora vesper-
tina, primo loco Docentis, de *Animarum coextensione corpori Libri duo*, in
quibus ex rei natura, consulto semper
ARISTOTELE, ostenditur animam tum
vegetalem, tum sentientem, tum ratio-
nalem, subdito sibi corpori toti coex-
tendi, ac in omnibus eius particulis figil-
latim suam essentiam habere undiquaque
diffusam; nullamque animam in ulla vi-
uentis corporis particula, quantumvis
principe, veluti in suo domicilio, totam
contineri: Quicquid cum PLATONE
plerique passim opinentur. Ad Illustrissi-
mum et Excellentissimum Gymnasiar-
cham ANTONIVM PRIOLVM. *Patauii*,
apud PETR. BERTELLIVM. MDCXVI.

Superiorum permissu. pagg. 78.

sine indice. 4.



FORTVNIVS LICETVS, Medicus et Philosophus Italus, patre IOSEPHO item Medico, natus erat *Rappalli*, ^{u)} quae urbs est territorii Genuensis, anno, saeculi decimi sexti, septuagesimo septimo, eoque notandus adhuc magis, propterea quod, septimo mense adspexerit lucem, hincque partus sit septimestris. Literis operam dedit Bonnoniae, et posteaquam anno 1600. Genuae, diademate doctorali insignitus fuisset, primum Pisis, postea Patauii et Bonnoniae Philosophiam docuit, tandem vero Patauium redux, medicinam theoreticam cum laude professus est. In Philosophicis summi ARISTOTELIS placita ad nauseam usque, pro more consueto, summa animi religione veneratus est. ^{w)} Praeter philosophiam vero et medicinam, antiquitatum

^{u)} Vid. C. W. KESTNER im medic. Gel. Lex. p. 475. NICERON *Memoires* Tom. XXVII. p. 373.

^{w)} Id quod patet ex libello eius *de pietate ARISTOTELIS erga DEVM et homines*; Vtini 1645. 4.

tatum etiam studium omni excoluit diligentia. Obiit LICETVS anno 1656. Patauui, cum octogesimum attigisset aetatis suae annum, multaque scripsisset,*^y quae teste Clar. VOGTIO;^y FREYTAGIOQUE^z pleraque maxima raritate conspicua sunt, in quem etiam censum, praesens, quem offero, venit libellus, de *Animarum coextensione corpori*, illustrissimo ANTONIO PRIOLO, Equiti, Senatori, diui MARCI Procuratori, Amplissimoque Lycei Patauini

E 3 uini

- x) Horum scriptorum catalogum exhibet LOR. CRASSO *Elogii d' Huomini Letterati Tom. I. p. 288.* MERCKLINVS in *Lindenio renouato*, p. 275. seq. *Thesaur. Biblioth. Tom. II. p. 360. seq.* AVGVSTIN OLDONVS in *Athenaeo Ligustico*, p. 181. seqq. ipseque LICETVS in *propriorum operum historia*; Patauui 1634. edita. Conf. NICERON *Tom. XXVII. p. 377.*
- y) *Catal. libror. rar. hist. crit. p. m. 411.* rarissima vero esse responsa eius de quaesitis per epistolas discas ex *Bibliotheca Hamburg. mixta*, (*Hamb. vermischte Bibliothek*) *Praef. Tom. I. p. 27.*
- z) *Annalect. Litter. p. 534.*

uini Gymnasiarchae dicatus. Diuisus vero ille est in sectiones siue potius libros duos, quorum, post praefationem, in qua propositum, eiusque dignitas ordo et diuisio detegitur, *prior* ex rei natura et ex ARISTOTELE demonstrat, singulas animas subdito sibi corpori coextendi, non in una illius parte principe solum contineri. Hic liber quadraginta sex habet capita. In *posteriori* vero libro, qui octo absoluitur capitibus diluuntur omnes dubitationes, quaecunque propositis in superiori contemplatione reluctari posse videntur.

Vix ac ne vix quidem errare crediderim, si propter leue argumentum, leuioremque adhuc elaborationem, pretium suum amisisse libellum dixerim.





IX

FRANCISCI BONAMICI, Florentini.
E primo loco Philosophiam ordinariam
in Almo Gymnasio Pisano profitentis, de
Alimento Libri V. ubi multae Medicorum
sententiae delibantur et cum ARISTO-
TELE conferuntur. Complura etiam
problemata in eodem argumento notan-
tur, et quibusdam ex graeca lectione pri-
stinus nitor restituitur; cum indice co-
pioso notandorum. Ad Illustrissimum et
Reuerendiss. CAROLVM ANTONIVM
PUTEVUM, Archiepiscopum Pisanum;
Florentiae, apud BARTHOLOMAEVUM
SERMATELLIVM, Iuniorem, 1603. Supe-
riorum permisso. 4. pagg. 759. non compu-
tatis Dedicatione, Praefatione ac

Indicibus.

De hoc Clar. VOGTIVS *Catal. Libr. rar.*
p. m. 135. sequentia profert. „Liber, inquit,
„plurimae eruditionis ac multiuariae le-
„ctionis; at summe rarus paucissimisque

E 4

„visus.



„visus. Liber I. est de *Alimenti Essentia* ;
 „Lib. II. de *Primis affectionibus alimenti et*
 „*excrementorum*; Lib. III. est de *Alimento*
 „*externo eiusque appetitu*; Lib. IV. de *For-*
 „*matione foetus*; Lib. V. de *Consequentibus*
 „*foetum*. Exemplar quod possidemus, re-
 „demptum ex Bibliotheca Heiniana, Lugd.
 „Batau. 1683. habita, mutilatum quidem
 „est plagula prima; nihilo tamen secius in
 „deliciis habitum est ab eruditis. Testan-
 „tur hoc sequentia Codici nostro inscripta:
 „*Excellentissimo et Clariss. Viro, D. ALBER-*
 „*TO KYPERO, Med. Doctori ac Professori*
 „*Ordinario, Domino et Collegae coniunctissimo,*
 „IO. ANTONIDES VAN DER LINDEN
 „*dono mittit, si donari meretur Liber male*
 „*mulctatus et Capitis diminutionem passus a*
 „*Viro docto et publico, cum post quadriennii*
 „*usum aliquoties rogatus remittere cogeretur*
 „*commódatum, Lugd. Bat. die 23. Oct. 1653.*
 Haftenus VOGTIVS. Nostrum, quod
 scribenti ad manus est exemplar, accura-
 tissime

tissime quoad titulum librorumque elenchum cum Vogtiano conuenit. Addidisse tamen quaedam adhuc, ad libri historiam spectantia, operae pretium erit. *Dedicatio*, quae statim post titulum sequitur, ad CAROLVM ANTONIVM PVTEVM, uti titulus innuit, data est. Hanc excipiunt censurae aliquot et Auctoris Praefatio. Dein Capitum, quae in hoc opere continentur, legitur Index. Habet vero Liber *primus* Cap. XLII. *secundus* XL. *tertius* LXI. *quartus* XLVI. et *quintus* XLVII. In fine autem haec leguntur verba: *Haectenus de alimento, siue de ea, quae de foris est, generatione, (sic enim veteres hoc argumentum nominabant) affectionibus, consequentibus, appetitu alimentoque, primo cum intra, tum extra uterum dictum est: ex quibus expedite quis colligere possit ea, quibus facultas alens consistit, et eius essentiam comprehendere, quae non nisi ex relatione ad rem obiectam concipi et explicari potest. Itaque ob id de ali-*




mento differit ARISTOTELES, leaque ita tractata, ut etiam si ad trutinam Lycaeï reuocata sint, a qua medici libentissime discedunt, nihilominus nil contra artem fuisse constitutum, optime percipi valeat: quod certe maxime cauendum fuerat. Namque etsi cognitio physica per se ipsam expetitur, est tamen naturae et philosophi, qui naturam imitatur, etiam cognitione abuti, et eam referre ad usus humanos, quorum primus in animi compositione, secuudus in corporis salute versantur. Finis. Autor in his nihil assertum esse vult, nisi quod sacrosancti canones approbarunt.
c15 12 CI. V. Non. Quint. Sequitur Index rerum memorabilium, et in fine legitur: *Florentiae, apud BARTHOLOMAEVM SERMATELLIVM, Iuniozem. M. F. 1602.*

Quis auctor fuerit, ex libri inscriptione apparet, unde etiam cognosces, quo quidem vixerit tempore. Conf. MERCK-

LINI *Lindenius renouatus*

pag. 282.





X

Hortorum Libri Triginta, Auctore
BENEDICTO CVRTIO, Symphoriano,
Equite in ecclesia Lugdunensi. In quibus
continetur arborum historia, partim ex
probatissimis quibusque autoribus, par-
tim ex ipsius auctoris observatione colle-
cti. *Lugduni*, excudebat Io. TOR-
NAESIVS, Typographus regius.

MDLX. fol.

Opus nitidum est et exquisitae eruditionis
ac summe rarum, in paucissimisque manibus,
uti ex testimonio ANDR. CHR. ESCHEN-
BACHII in dissert. de *consecratis Gentilium*
Lucis; *Ienae* 1686. loquitur VOGTIVS *Ca-*
talog. Libr. rar. pag. 228. Quod cum scri-
benti mihi ad manus sit, paulo uberius de
eo exponere, meum esse puto. Explet
autem illud pagg. 683. si dedicationem,
indicem et praefationem exceperis. Dedi-
catum est opus eximium BENED. BVA-
TIERIO, Canonico et Camerario Eccle-
siae



fiae Collegiatae S. Pauli, ac Officiali Vicario, Illustr. et Reuerend. Cardinalis A T V R-
 NONE Archiepiscopi et Comitis Lugdunen-
 sis. Post breuem hanc dedicationem statim
 sequitur index praecipuarum rerum, quae
 in libro hoc continentur, succinctaque ar-
 gumentorum singuli libri enarratio, quam
 excipit praefatio, in qua de causis, cur
 hanc arborum historiam scripserit, uber-
 tim exponit. Opus ipsum triginta absol-
 uitur libris, s. sectionibus. Continet au-
 tem Liber I. *arborum commendationem,*
usumque earum ad vitam humanam maxime
necessarium. Lib. II. ostendit, *quanto olim*
in bonore arbores fuerint. Lib. III. agit de
earum religione ac in sacris usu. Lib. IV.
quae syluae, quae nemora, qui luci diis gen-
tilibus dicati fuerint. Lib. V. *quae genera*
arborum quibusque Diis dicata fuerint ac eius
dedicationis causa. Lib. VI. *hortorum signifi-*
catio, tutela, ornatus, amoenitates. Lib. VII.
arborum partes ac varii earum affectus et dif-
feren-



*ferentiae. Lib. VIII. Syderum vis ac ven-
torum flatus et natura. Lib. IX. semina-
rium ac seminum varia genera. Lib. X. plan-
tarum transmigration. Lib. XI. insitiones
ac earum varia tempora et diuersi modi.
Lib. XII. arborum cultura. Lib. XIII. ar-
borum morbi et vitia. Lib. XIV. morborum
arborum medela. Lib. XV. arborum ali-
mentum, cibis, conceptus et germinatio.
Lib. XVI. fructuum collectio, condimentum
et conseruatio. Lib. XVII. arborum mate-
ries quando et quae caedenda. Lib. XVIII.
naues, e quibus lignis construantur; variarum
item arborum usus. Lib. XIX. Arabia quas
arbores ferat. Lib. XX. Indiae, Africae
ac nonnullarum aliarum regionum arbores.
Lib. XXI. arbores quaedam nostrates, ubi
proueniant, ac earum vires. Lib. XXII. olea.
Lib. XXIII. mala et pyra. Lib. XXIV.
figus. Lib. XXV. nuces. Lib. XXVI. ar-
bores sylvestres et glandiferae. Lib. XXVII.
piniferae. Lib. XXVIII. arbores in conualli-
bus et aquosis locis prouenientes. Lib. XXIX.
arbores*



arbores sua sponte prouenientes, quae tamen inter domesticas annumerari debeant.
 Lib. XXX. *frutices.*

Vides igitur Curtianum opus, fontem et thesaurum esse multiuariae eruditionis, ex quo multi haurire possunt, ex quo riui prodire possunt dulcissimi. Hinc etiam est utique quod mireris, Virum, non medicum, hac pollere scientia. Fuit enim CURTIUS ICTUS suo aeuo celeberrimus. Stilus, quo in opere suo usus est, neque minus elegans est. Raritatem huius libri autem et inde cognoscere potes, quod nec LINNAEVS, nec SEQUIERIVS, scriptorum botanicorum diligentissimi collectores eius meminerint, HALLERVS vero in *Methodo studii Medici Boerhaauiana* obiter tantum eum et secundum duntaxat titulum, in *Addendis*, p. 1037. nominet. Habet tamen etiam MERKLINVS in *Lind. renou.* p. 122. et GESNERVS in *Biblioth.* p. 112.

ubi et plura eius indicantur
 scripta.

XI

BERNHARDI CONNOR, Med. D. e
regia Societate Londinensi, nec non e
regali Medicorum Londinensium Colle-
gio, *Euangelium Medici*: seu Medicina
mystica, de suspensis naturae Legibus,
siue de miraculis, reliquisque εν τοις βιβλικοις
memoratis, quae medici indagini subiici
possunt; ubi perpensis prius corporis
natura, sano et morboſo corporis humani
ſtatu ſuper naturam, praecipue quae cor-
pus humanum et animam ſpectant, iuxta
Medicinae principia explicantur. *Londini*
apud SAM. BRISCOEE, 1697. 8. pl. 19 $\frac{1}{2}$.
et reſuſ. *Amſtelod.* 1699. 8. tertiumque
Ienae 1706. 8.

Vid. VOGTII *Catal. Libr. rar.* p. 213. et
ſatis copioſam de eo reſenſionem in *Act.*
Erud. 1698. p. 355. ſeqq. Dat autem in id
potiſſimum operam auctor libelli, ut eos
reſellat, qui commemorata in ſacris literis
miracula in dubium vocant, ea imprimis
ratione

ratione moti, quod mente concipere non queant modum, quo illa producta fuerint. Hinc suscepit demonstrare, non magis arduum esse conceptu, quomodo infinita summi Numinis potentia, miracula in homine praecipue operetur, quam quo repetit in dies neglecta naturae phaenomena. Cum autem multa etiam legantur in hoc libello paradoxa, quae neutiquam omni ex parte lectoribus fuerunt probata, non defuerunt, qui ad mali commatis scripta, cum retulerunt, quinimmo REIMMANVS *philosophiae et theologiae portentosae* nomine capropter insignire voluit.^{a)} At vero immerito id factum esse, ex Magnifici Sacrorum Goettingensium hodie Antistitis Theologiquae Primarii, IOANNIS WILHELMII FEVERLINI, patet testimonio, qui, *multa egregia*, inquit, *Connori Euangelium Medici et ad defendendam veritatem religionis Christianae, auctoritatemque*

Scri-

a) Vid. EI. *Catal. Bibl. Theol. Tom. I. p. 1052.*



Scripturae S. aptissima continet, quamvis paradoxis erroribus non careat. Curs. Philos. Tab. XII. Neque minus benigne de eo iudicant THOMASIVS Cautel. Part. II. Cap. VI. §. 3. pag. 52. et Iurispud. iudic. Cap. X. pag. 116. BVDDEVVS Instit. Theol. dogm. Lib. II. Cap. I. §. 30. pag. 232. In fine subnexas legimus duas Auctoris epistolas, in quarum prima ad nobilem Virum D. EDVARDVM SVTHWELL, R. S. Socium scripta, suam de secretionem animali sententiam dicit, reiectisque aliorum hypothefibus, affirmat, veram rationem, cur bilis, v. g. in hepate fecernatur, non esse, quod similis sit pori et humoris figura, sed quia integrantes succi biliosi partes seu molecule, ex peculiari suorum elementorum proportionem, atque ex consimili textura et figura, sibi ipsis facilius uniri possunt, quam mole-

Relat. Fasc. I. F *culis*



culis lymphæ, urinae aut alterius liquoris ac proinde bilis per glandulosos acinos, quoniam per ipsos, primo post foetus conceptionem in utero filtrari coepit, ad vitae terminum cribrari non desinit, perinde ut per chartam bibulam oleo imbutam, si eidem aqua cum oleo commixta affundatur, oleum tantum, non aqua, transmittitur.^{b)} In altera epistola ad literatum quendam Cantabrigiensem data, sciagraphia exhibetur Oeconomiae animalis demonstratae, primum Oxonii A. 1695. deinde Londini, et tandem Cantabrigiae 1696.

Floruit vero BERNARDVS CONNOR, natione Anglus, seculo superiori potissimum exeunte, et posteaquam Germaniam, Italiam, Poloniam, Belgiumque peragrasset, Mal-

b) Hanc de secretionem animalis sententiam, assensu magni nostri I. O. GOD. BERGERI aliquatenus fuisse stabilitam, inter eruditos constat.



Malpighiique, Bellini, Redi et aliorum ibi
gentium Medicorum celeberrimorum sibi
comparasset amicitiam, in aula etiam Poloni-
arum Regis IOANNIS SOBIESCI Varsoviae,
a. 1694. aliquamdiu versatus fuisset, Lon-
dini artem exercuit salutarem, et *Disserta-
tiones Medico-Physicas* de Anthris Lethiferis,
noxiis exhalationibus, venenis subterraneis;
montis Vesuvii incendio aliisque stupendae
naturae Phoenomenis Oxonii excusas edidit,
quas vero hucusque nondum videre licuit.
Praeterea de Regimine regni Poloniae; de
principiis medicinae et fermentatione; de
Oeconomia animali, uberores promisit
Commentarios, qui an reapse prodierint,
anceps haesito. Vid. KESTNERVS

Lexico Biograph. p. 213.





XII

De Thermis ANDREAE BACCII, Elpidiani, ciuis Romani, apud SIXTVM QVINTVM Pontificem maximum, Medici, *Libri septem*. Opus locupletissimum, non solum Medicis necessarium, verum etiam studiosis variarum rerum Naturae perutile. In quo agitur *de uniuerſa aquarum natura, deque earum differentiis omnibus, ac miſtionibus cum terris, cum ignibus, cum metallis. De terreſtris ignis natura* noua tractatio, *de fontibus, fluminibus, lacubus. De balneis totius orbis, et de methodo medendi per balnea.* Deque lauationum, simul atque exercitationum institutis in Thermis Romanorum. Demum ab ipſo auctore recognitum, nouis historiis locupletatum, ac plus mille locis illustratum et auctum. Ad SIXTVM V. Pontificem Opt. Maximum. Cum Priuilegiis. MDLXXXVIII. *Venetis* apud FELICEM VALGRISIVM. fol. pagg. 492.

En secundam Libri rarissimi editionem, qui primum ibidem Anno 1571. et dein iterum Romae 1622. apud IACOB. MASCARDVM, ultimo autem et recentissime Patauii 1711. eadem prodiit forma. ^{c)} De tertia, Romana scil. editione egit iam VOGTIVS, *l. c. p. 63.* et BVNEMANNVS, *l. c. pag. 67.* Clarissimusque ENGEL, *l. c. p. 12.* raritatemque eius declarauere. Nobis vero cum ex antiquis illis tribus, media ad manus sit editio, uberior eius enarratio merito suppeditanda est. Splendidum est opus eximiaque impressum charta, pro more eius aevi solito, multa rerum eruditione copiaque refertum et elegantis sermonis ornatum suauitate. Totus enim BACCIVS in eo occupatus est, ut, quae omni terrarum orbe celeberrimae feruntur, calidas aquas,

F 3

siue

c) Vid. *Giornale de' Letterati d' Italia Tom. VIII. p. 77-120.* Ex quo simul libro apparet, IO. ALB. FABRICIVM errasse, quando in *Bibliogr. antiqu. p. 649.* postremam hanc editionem Venetiis 1712. Libro VIII. auctam prodiisse putauit.

siue sulphuratas, siue dulces, siue aluminosas, siue nitrosas, siue liquidas, siue coenosas pertractet, singularumque utilissimis disputationibus prosequatur qualitates, quae nimirum utilis sit stomacho, quae nervis, quae paralyticis ac simili morbo solutis, quae merfione, quae potu, morborum, quibus opponuntur, abigant causas. Absolvitur autem totum opus, uti ex titulo facile etiam est intellectu, Libris septem, quorum singulorum argumenta haec sunt. In *Libro primo*, qui est physicus, agitur de *natura et origine aquarum omnium in communi*, et continet Cap. XXX. In *Libro secundo*, qui est balnearius, continetur *tota ars balnearia* capitibus XXIII. In *tertio Libro*, qui est medicus, *methodus mendi omnibus aegritudinibus per balnea* capitibus VI. pertractatur. In *Libro quarto*, qui inscribitur *Thermenfis* et XVI. absolvitur Cap. *Historiae thermarum sulphurearum* conscribuntur. *Liber quintus* totidem capitibus

capitibus distinctus *aquarum mineralium* continet *historias*. In *Libro sexto* metallico, Cap. XXXI. *historiae ex metallis* describuntur, et in *Libro septimo* tandem Cap. XXXVI. agitur de *thermis Romanorum*. Statim post dedicationem, quae SIXTO V. Pontifici nuncupata est, sequitur ipsius Pontificis censura atque approbatio, unde colligimus opus hoc triginta annorum esse laborem. Ita enim beatissimus pater: *Motu proprio* etc. *Cum sicut accepimus dilectus filius ANDREAS BACCIUS — — id communem Reipub. utilitatem operosissimis per triginta annos laboribus, nec non maximis suis sumptibus conflatum opus de Thermis et balneis totius orbis olim editum.* etc. Post haec legitur Index et dein tractatio ipsa.


Fuit ANDREAS BACCIUS, natu Elpidianus, Ciuis Romanus, incunteque seculo XVI. floruit SIXTI V. laudati personae medicus, praeter laudatum opus de Ther-



mis, aliis Scriptis clarissimus. Ita enim ingenio, pedibus quasi, omnem fere terrarum peragravit orbem, et quot unaquaeque tellus vina ferat, inuenit, quodque earum ex coeli terraeque, in qua nascuntur, regione salutis hominum siue utile, siue sit noxium, aperuit; deinde de *Venenis, et Antidotis*, (Romae 1586. 4.) postea de Tiberi libros tres vernacula sua lingua, ac de duodecim pretiosis lapillis, qui in Summi Sacerdotis veste sacra nitebant, librum edidit; quae eius opera cum ad transalpinas aliasque externas nationes commeassent, immortalis Italici nominis gloriam secum una attulerunt: nam apud eruditissimum quemque admirationem et plausus excitarunt. Docuit praeterea in Gymnasio Romano de varia rerum naturae historia, sed non eadem auditorum frequentia, aut fortuna, qua scripta eius legebantur. Verum illa ingenii vis, illud in scribendo acumen, illa eruditio, cum ad curanda aegrotorum corpora

pora se conferebat, ita se ipso minor inueniebatur, ut non eundem diceres. Quamobrem nemo aegrotus, qui eum nouerat, opera eius utebatur; nemo erat, qui filium, aut cognatum, vel amicum, vel propinquum, quouis laborantem modo, illi committeret; quo fiebat, ut semper egeret, multoque aere alieno, unde se nunquam expedire poterat, obstrictus teneretur.

Plura de eo leguntur in ERYTHRAEI *Pinacotheca* p. m. 139. PROSP. MANDOSII *Theatro Archiatrorum Maximorum Christiani Orbis Pontificum* Rom. 1696. 4. qui liber hodie ipse rarioribus annumerandus est, pag. 20. seqq. et KESTNERI *Lexic. biogr.* pag. 69.





XIII

De Naturali Vinorum Historia, de Vinis Italiae, et de conuiuiis Antiquorum Libri septem, ANDR. BACCII, Elpidiani, Medici atque Philosophi, Ciuis Romani. Accessit de factitiis atque cereuisiis deque Rheni, Galliae, Hispaniae et de totius Europae vinis, et de omni vinorum usu compendiaria Tractatio, ad Ampliss. S. R. E. Card. Ascanium Columnam. *Romae Anno 1596. ex officina NIC. MVTII* fol. pagg. 370.

Opus aequae ac proxime praecedens rarissimum, de quo *Merckwürdt. der königlichen Bibliothek in Dresden T. I. pag. 291. seqq.* FREYTAGIVSQUE *Analect. literar. p. 62. seqq.* legi merentur. CONRINGIVS *Introd. in uniu. art. med. Cap. XIII. §. 9.* cum laude de eo pronunciat, scribens: *Vini quidem virium optimum descriptionem nobis dedit ANDR. BACCIUS.* Conf. etiam KESTNERVS *Bibl. sel. med. pag. 723.* VOGTIVS *Catol. p. c.*

Te

Ter hoc opus intra triennium lucem aspexisse, FREYTAGIVS auctor est; eamque ex his editionem, quam Romae 1597. prodierat, dicit, VOGTIOQUE et GOEZIO incognitam esse credit, producit in medium. Sed erravit forsitan Vir clarissimus, nostramque 1596. editam et hanc suam pro binis habet, cum tamen una sit eademque. Tertia autem vice prodit *Francofurti*, 1607. uti VOGTIVS iam commemoravit. Vtrum in illa editione, cuius uberior recensio in allegatis GOEZII *Merkwürdigkeiten der königl. Bibliothec zu Dresden* inuenitur, quaeque scribenti etiam ad manus est, de vinis Hispanicis agatur, an vero haec accessio in secunda, quam dicit, primum facta sit editione, anceps haeret FREYTAGIVS. Sed, credat nobis, legitur iam hoc argumentum in nostra et Dresdensi editione, siue sit prima, siue eadem, quam FREYTAGIVS producit. Hoc eodem clarissimo Viro teste, quartus huius operis li-
ber



ber de *veterum conuiuiis*, quo inter alia conuiuii DIDONIS Virgilianam explicat descriptionem, *Lib. I. Aeneid.* et HOMERVM etiam a VIRGILIO in descriptione conuiuii superatum esse contendit BACCIVS, auctior postea et in Libros V. distinctus, editus est, hodie autem etiam recusus legitur in *Tbesauro Antiquitatum Graecarum Gronoviano Tom. IX. p. 21. seqq.*

Praeter ea meminit etiam FREYTAGIVS libri illius Bacciani, quem de Tiberi composuit, quemue supra in vita eius commemorauimus, raritate his binis, quos adduximus, haud inferiorem, cuius titulum totum, iuxta editionem secundam auctiorem, (prior enim prodibat Romae a. 1558) hic exhibemus: Del Tevere, di ANDREA BACCI, *Libri III.* ne quali si tratti della natura e bontà delle acque, e specialmente del Tevere, del Nilo, del Po, etc. dell'uso dell'acque, e dell' bere in fresco con nevi, con Ghiaccio, e con sal nitro, delle
inon-

inondazioni e de remediche gli Antichi
Romani fecero, e che oggidì si posson fare.
In Venezia per Aldo. 1576. 4.

Sed ad nostrum de *Vinis* redeamus opus.
Facies eius haec est. Post nuncupatoriam
epistolam ad Purpuratum virum ASCANI-
VM COLUMNAM, in qua in laudes vini
generatim excurrit, primo loco IULII
IOSOLINI, Medici egregii in opus hoc le-
gitur Panegyricon, quod sic se habet:

*Sunt Moecenates, foueant qui arcana Mineruae,
Inclytæ erunt artes, quæ latuere diu.*

*En mundi thermas pertractat BACCIUS, idem
Vinorum Italiae differit historias.*

*Hinc veterum mensas referat, conuiuia lauta,
Ingenteis luxus, accubitusque toris.*

*Quas gemmas celebrat sacra Exodus, inde recenset
Adiectis quas Rex possidet Aethiopum.*

*Occultat rerum causas, penetratque metalla,
Naturæ ut pateant plurima facta palam.*

*Describit radio cunctarum exordia rerum
Dira venena docet, praebet et Antidota.*

*Quis non Avdgeiov vocet hunc, Iasoline, virum, quem
Tot natura ornat dotibus ingenii?*

*Magnus es o propriis virtutibus optime BACCI!
Sed tibi maior honos venit ab ASCANIO.*

Sequitur



Sequitur nunc CLEMENTIS VIII. Pontificis Romani approbatio, Ordo Capitum, Index rerum et tandem libellus ipse, qui septem distinctus est libris omnique liberali doctrina ubertim abundat.



XIV

SEBASTIANI BASSONIS, Doct. Medici, *Philosophiae Naturalis aduersus ARISTOTELEM Libri XII.* in quibus abstrusa Veterum Physiologia restauratur, et ARISTOTELIS errores, solidis rationibus refelluntur. Cum Indice locupletissimo. Amicus PLATO, amicus SOCRATES, sed magis amica veritas. *Amsterodami* apud LVC. ELZEVIIVM 8. pagg. 631. non computatis paginis Indic. et Praef.

GOTTL. STOLLE in Anmerk. über HEVMANNI *Consp. Reip. Lit.* pag. 975. et *Catalog.*



Catalog. Bibl. Sellian. Part. I. pag. 167. testibus
prodiit etiam hic liber *Aureliae 1621. 8.* apud
PETR. DE LA ROVIERE, uti commemo-
rat FREYTAGIVS *Apalect. pag. 76.* Cum
vero ibidem Vir Clar. obiiciat VOGTIO
errorem, quem opinione deceptum inquit,
dum *pag. 75. Catal. libr. rar.* Auctorem
hunc una cum scriptis suis ignotum fuisse
tum MORHOFIO, tum CHR. THOMA-
SIO ex testimonio S. R. HEVMANNI
Consp. Hist. Lit. pag. 368. edit. 1746. (qui
hanc ideo etiam philosophiam recenset in
Act. Philos. Tom. III. p. 239. seqq.) scribit: Ipse
committit errorem FREYTAGIVS, tum ab
eodem STOLLIO seductus citat SERPILII
Verzeichniß rarer Bücher I. St. p. 52. ibi-
que huius editionis mentionem factam esse
asserit, quod vero ego nullo modo inue-
nire potui. CHRIST. THOMASIVS *Oratt.*
p. 18. ipse ignorantiam suam fatetur, MOR-
HOFIVS vero *Polyb. Philos. Lib. II. Part. II.*
Cap. XX. §. 2. p. 364. edit. nouiss. disertis ver-
bis



bis mentionem eius fecit, ut recte memorat FREYTAGIVS, et eodem teste in *Catal. Bibl. Reimmannianae Part. 11. p. 208.* alius MORHOFII adducitur locus, quo auctoris nostri mentio facta sit, quem vero FREYTAGIVS locum apud MORHOFIVM inuenire non potuit. In *Lexico Eruditor. Ioecheriano* de BASSONE nostro dicitur, quod grauis Aristotelicae Philosophiae fuerit inimicus, Romaeque 1574. 4. ediderit Dissertatt. in Philosophiam naturalem aduersus ARISOTELEM.

Nobis nostri libri ad manus est editio Elzeuiriana, 1649. edita. MERCKLINVS in *Lindenio renouato*, p. 962. meminit etiam editionis Geneuensis 1621. 8. (forsan ea est, quam Aureliae editam supra indicauimus) hancque Geneuensem Elzeuiriana, adhuc esse rariorem indicat Clar. BRVCKERVS

Histor. Crit. Philos. Tom. IV.

pag. 467.



XV

MICHAELIS SCHENDI, R. C. S. Equ.
VANDER BECH, Philosophiae et Medi-
cinae Doct. *Empirica illustris* per septem
nobilissima euporista familiaria remedia,
ad totidem grauissimos et frequentiores
morbos profligandos. Addita est Aucto-
ris Apologia aduersus Maurocordati Syn-
cophantias *par le Docteur* CONRADE DV
SCHEBBEN, Editio altera, (ut quidem
in titulo fingitur) prototypo Londinensi
longe elegantior ac emendatior. *Augu-
stae Vindelicor.* apud MERZ et MAYER
cum permissu Superiorum.

1723. 8.

Scriptum hoc, quod quatuor duntaxat
absoluitur plagulis, recenset Clar. SCHEL-
HORNIVS *Amoenitatt. Literar. Tom. II. pag.*
358. seq. ita de raritate istius differens:
„Haud ita pridem nonnemo peregrinus
„per nostras oras transiens, in vicinia prelo
„subiecit libellum aliquem MICH. SCHEN-



„DI VAN DER BECK, cui praemissa est fa-
 „tyra mordacissima in Maurocordatum
 „Wallachiae Principem. Is quinquaginta
 „circiter exemplaria typis exscribi voluit,
 „eaeque omnia secum in Hungaria forte aut
 „Transylvania disseminanda abstulit, ut eius
 „curam vix paucula effugere potuerint.

Conf. VOGTIVS *loc. cit.*

pag. 698.



XVI

Vitae illustrium Medicorum.

Librum hunc a CASP. PEVCERO con-
 fectum et *Argentorati* 1571. absque auctoris
 nomine editum esse, tradunt quidem GES-
 NERVS, ADAMI, LABBEVS aliique apud
 PLACCIVM *in Theatr. Anonym. p. 312.* Sed me-
 rito dubitatur, an unquam ille prodierit,
 cum, quantum ego quidem sciam, aliique
 iam meminerint, nemini doctorum viro-
 rum hactenus visus fuerit. Hinc, nisi tota
 de



de eo narratio fabula est, latitare eum aliquibi manuscriptum, credamus necesse est.

Vid. KESTNERI *Bibl. Med. Select.* pag. 30.

GROSCHVFIUS *in praef. de libris rar.*

pag. 17.



XVII

PAULI ZACCHIAE *de seruanda
quiete in curandis morbis
Libri III.*

Idem, quod de PEVCERI libro tulimus iudicium, etiam de hoc ZACCHIAE scripto ferendum erit. Etenim meminit quidem illius, editor quaestionum medico-legalium summi huius Pontificis Archiatri (est vero scribenti ad manus editio Francofurtensis 1688. fol.) in praefatione, GEORGIUS FRANCUS, qui etiam ubertim de vita ZACCHIAE commentatus est; Meminit eius etiam MERCKLINVS in *Lindenio renou.* et KESTNERVS in *Lexico biographico*: At enim vero,



cum nullibi hactenus, libellum hunc vel videre, vel nancisci potuerim, quantum etiam operae in eo posuerim et diligentiae, quod idem etiam contigisse video illustri quondam PLATNERO, qui tamen nullis in coemendis libris, perpercit sumtibus, nec etiam Viris doctis, librorum cognitione gnaris, quos consului, quique Italiam peragrarunt, visus fuerit; annus etiam a nullo, eorum qui eius mentionem faciunt, additus fuerit: vel rarissime illum inveniri, librorumque Phoenicibus annumerari auguror; vel nunquam lucem vidisse credo. Quare etiam, omnes meos beneuolos lectores publice inuito humanissimeque rogitō, si quis forsan sit, qui legerit vel viderit libellos hos ZACCHIAE, ut bene uole vel priuatim, vel publice de certitudine eorum me edoceat.




XVIII

MICH. VILLONOVANI *Syruporum ratio uniuerſa, ad GALENI cenſuram diligenter expolita. Cui poſt integram de concoctione diſceptationem, praefcripta eſt vera purgandi methodus, cum expoſitione Aphoriſmi: Concocta medicari. Pariſiis, 1537. 8.*

Interdum etiam bonum deſignare HOMERUM, a nobiſque hominibus, errare non eſſe alienum, patet ex Clar. VOGTII, Viri doctiſſimi, *Catal. libr. rar.* Hic enim elegantiſſimus et erudiſſimus librorum rario- rum interpres p. m. 711. ſub larua Villonovani latitare MICHAELEM illum SERVETUM aſſerit, tantaeque, ternis licet vicibus fuerit reſuſcitatus, (*Venetiiſ 1545. 8. apud VALGRISIVM, et Lugd. 1546. 8. apud ROVILLIVM*) librum hunc raritatis eſſe affirmat, ut doctiſſimus *Vitae SERVETI* Commentator, S. R. MOSHEMIVS, (*vid. Hiſt.*



SERVETI, *pag. 186.*) omni licet adhibita diligentia, particeps istius fieri non potuerit. Ast, licet hac raritate sua librum hunc defraudare haud ausim; in eo tamen errare videtur VOGTIVS, quod SERVETVM auctorem eius esse et nomen VILLONOVANI assumpsisse crediderit. Patet enim hoc ex MERCKLINI *Lind. venou. pag. 884.* ubi MICH. VILLONOVANVM, doctissimum GALENI Interpretem et Medicum excellentissimum, introducit, et ex IVSTI testimonio in *Cbronol. Med. An. 1537.* vixisse eum affirmat, libri huius etiam, auctorem, sub nomine eius vero meminit.



XIX

FRANCISCI HENRIQUEZ de VIL-
LACORTA, Doct̃oris Medici, a cubiculo
Regali PHILIPPI IV. et CAROLI II.
Archiat̃ri, *Opera Chirurgica omnia*, sub
auspiciis Potentissimi Hispaniarum Regis
CAROLI II. *Amstelod.* per IACOBVM
PAVLI, 1673. 4.

Extare sub hoc titulo, SPINOZAE libros,
*Philosophiam Scripturae Interpretem et tracta-
tum theologico-politicum*, docet summe vene-
rabilis Vir, Cel. CHRIST. AVG. HEYMAN-
NVS, in Schediasm. de *Anonym. et Pseudonym.*
p. 100. seq. indeque VOGTIVS *loc. cit. p. 710.*
Quibus fidem dare fas est, cum mihimet
ipsi ad manus liber non sit; an vero idem
sit, quem MERCKLINVS in *Lindenio renou.*
p. 287. producit, sed in fol. 1670. Lugduni
prodiisse affirmat, anceps
haereo.



XX


GEORGII VALLAE *Commentationes*
in PLINII *Librum II. Venet.*

1502. 4.

Admodum rarum esse hunc librum, nec
visum ipsi HARDVINO, indicat BAYLE in
Dict. Hist. Crit. Articulo G. Valla, not. A.

indeque testatur VOGTIVS,

pag. 695.



XXI

IN CAII PLINII SECVNDI Naturalis
Historiae argutissimi Scriptoris *I. et II. Cap.*
Lib. XXX. Commentarius, Naturalis qui-
dem Magiae compendiarium rationem,
plenam mysteriis, profundissimamque re-
rum secretissimarum contemplationem,
naturam, potentiam, qualitatem, substan-
tiam et virtutem, totiusque naturae cogni-
tionem complectens. Cui praeterea ad-
iecta est de *fascinationibus* disputatio ele-

gans

gans et erudita, ad cognoscendosque naturae secretiores effectus, mire utilis et necessaria. Idem de *incantatione* et *adiuratione collique suspensione* Epistola incerti Auctoris, una cum IOANNIS TRITEMII, Abbatis Spancheymensis, viri doctissimi, occultiorisque philosophiae atque magicarum artium indagatoris solertissimi, in *Libros suos Steganographiae, Epistola apologetica &c.* Quibus difficultates Plinianaë, praesertim Magicae omnes explicantur et tolluntur, a quibusdam authoribus ac monumentis vetustissimis, singulari diligentia excerpta. In Plinianaë lectionis studiosorum gratiam, nunc primum conscripta et edita, cura et diligentia D. G. H. R. M. et M.

MDXLVIII. 4.

Libellus septem constans plagulis, summa raritate conspicuus, et forsan propter suam paruitatem non facile reperibilis, dignus tamen qui conseruetur, cum omnis magiae



naturalis, quae olim inprimis maximae fuit auctoritatis, in eo exponatur ratio, et dicta Plinianae naturalis historiae capita ubertim satis illustrentur. Quisnam ille fuerit auctor sine editor, qui sub literis D. G. H. R. M. et M. latitare voluerit, indicare vix ac ne vix quidem audeo, cum nullibi de eo aliquid suspicari liceat. In libelli autem initio pro Magiae naturalis dignitate acriter pugnat, eamque tanquam absolutam Philosophiae naturalis consumationem perfectissimamque et summam laudat scientiam, distinguens tamen satis accurate inter eam, quam infamem, incantationibusque et carminibus nefariae curiositatis, arte concinnatam affirmatamque excogitasse dicitur Zabulus; et inter eam, quam sapientissimus quisque festo excipit plausu, veneratur, et colit, quae altior sanctiorque est philosophia, ex qua praesignis literarum defluit claritas, quamque ipse ALBERTVS Magnus, (quem magni facit auctor) comprobavit.



probauit. Et haec etiam est, de qua fusius agit auctor noster. In fine libri haec leguntur verba : *Vuirzeburgi per IOHANNEM MYLIVM. Cum priuilegio Caesareae Maiestatis.*



XXII

Libri duo de homine, primus de conseruatione sanitatis, secundus de causis in homine circa compositionem eius, per V GONEM RUGERIVM et DOMINICVM BERTOCHVM Regienses. Bononiae 1474. fol.

Meminit libri huius rarissimi aequae ac antiquissimi THEOPHILVS SINCERVS, siue, qui hoc sub nomine latet, GEORGE JACOB SCHWINDEL, in seinen Nachrichten von lauter alten und raren Büchern, Tom. 1. Frf. 1731. 8. p. 109. ex Bibliotheca Anonymiana, quae Hagae Comit. 1728. 8. prodiit. Sed, cum ipsum librum hactenus videre non licuit, cuiusnam ille sit farinae, indicare haud possum.

XXIII

Plantes Orientales et Occidentales, au nombre de 320. representees en 320 tres belles planches, parfaitement bien gravees par BOSSE, ROBERT et CHATILLON; à Paris de l'imprimerie Roiale 1701.

II. Voll. fol.

Vid. THEOPH. SINCERI *Nachr. l. cit. p. 113.* ubi haec de raro hoc ac pretioso satis libro leguntur verba: *Les planches de cet ouvrage, qui n'a jamais été rendu public, sont dans le Cabinet du Roi; il n'y en a eu qu'un tres petit nombre de tiré; et cet Exemplaire, qui est en grand papier, est de la derniere beauté et tres rare.*





XXIV

OCELLI LVCANI *de vniuersi natura*
Libellus, LYDOVICO NOGAROLA,
Com. Veronensi interprete: XII. Ianuarii
MDLVIII. Eiusdem NOGAROLAE Epi-
stola super viris illustribus, genere Italis,
qui graece scripserunt. *Venetis, Io.*

GRYPHVS excudebat

MDLIX. 4.

Recenset hanc OCELLI LVCANI editio-
nem rarioribusque adnumerat libris, citatus
THEOPHILVS SINCERVS *loc. cit. Tom. II.*
p. 72. seq. unde repetiisse verba eius iuuabit.
In *Dedicatione* ad Virum Purpuratum Car-
porumque Principem RVDOLPHVM PIVM
graecum OCELLI textum BASILIO
ZANCHO *Bergomati*, viro graece et
latine non mediocriter erudito acceptum
refert NOGAROLA. Est vero hoc de *ortu*
uniuersi scriptorum Philosophicorum omni-
um, quae in eruditorum versantur mani-
bus, primum, idque prima vice Parisiis



1539. 4. prodiit graece, postea latine Lugduni 1541. et cum eiusdem LVD. NIGAROLAE versione atque notis tertium 1596. 8. apud CORNELINVM. Legitur vero etiam insertum in *Opusculis Mythol. Phys. et Etb.* quae iunctim prodire *Amstelod. 1688. 8.* conf. *Aët. Erud. Lips. An. 1688. pag. 477. seq.* Optime autem illud prodiit *Bononiae 1646.* et *Amst. 1661. c. Comment. et Paraphrasi CAROLI EMAN. VIZZANII, 4.* conf. MORHOEII *Polyb. Tom. II. Lib. I. Cap. II.* In id vero potissimum dat operam OCELLVS *mundum aeternum, ipsumque Deum esse naturam,* hinc antiquum recentioribus diebus relictum propalat errorem. Sed cum argumenta eius, quibus in confirmanda hypothesis utitur, et sophistica sint et leuissimi momenti; merito in *Biblioth. Vniuers. Tom. VII, pag. 113.* hoc de eo legitur iudicium: *Il debite gravement de pitoyables raisonnemens, dont ni la matièrè, ni la forme n'est presque supportable.* Quamquam Scalligeriana



ligeriana non consentiunt, ubi pag. 287. OCELLVS LVCANVS, *Pythagoricien*, est un bien joly livre. Nogarola, qui est un de nos parens, l'a tourné; ils sont pauvres maintenant.

Post OCELLVM idem argumentum, scil. *aeternitatem mundi* exposuit PHILO, qui saepius nostri libello usus, sed accuratius rem persecutus est. Cur vero ὁ πάνυ CONRINGIVS, *Propolitic. Cap. XV.* OCELLI libros supposititios credat, vid. STOLLES *Gel. Hist.* p. 529. non video. Forſan eodem iure, quo in nefando illo ſcripto, quod *Pantbeisticon* vocatur, in Sanctorum numerum ponitur OCELLVS, Salomoni-que aequiparatur. conf. *Unſchuld. Nachr. An. 1720. pag. 284. ſeq.* Caeterum Seculi noſtri decus illud quondam, Lipſiaeque ſuae, ubi natus, et Hamburgi, ubi docuit, aeternum ornamentum IOAN. ALBERTVS FABRICIVS, *Biblioth. Graec. Lib. II. Cap. XIII. pag. 497.* de OCELLO, noſtro ita: „Libellus Περὶ τῆ παντὸς Φυſιος etiam „num



„num extat integer, quamquam non dorica
 „dialecto, quali primum scriptus ab
 „OCELLO fuerat; ut ex fragmentis a STO-
 „BAEO seruatis perspicue apparet; sed a
 „Grammatico aliquo, ut facilius intelliga-
 „tur, in *κoinῆ* dialectum transfusus. Pri-
 „mum Graece prodiit, *Parif. 1539. 4.* La-
 „tine vertit GVIL. CHRISTIANVS,
 „FRANCISCI I. Medicus, et Q. FLOREN-
 „TIS SEPTIMI pater, Lugduni deinde
 „græce cum versione sua et notis LVD.
 „NIGAROLA etc. 1559. 8. (in 4.) Fal-
 „litur NIGAROLA, qui se primum latine
 „OCELLVM dare credidit: sed non minus
 „fallitur GADDIVS, qui *Tom. II. pag. 128.*
 „affirmat, NIGAROLVM non sui, ipsius
 „sed GVIL. CHRISTIANI versioni, notas
 „suas adiunxisse. Ab illo tempore OCEL-
 „LVM cum versione et commentariis suis
 „edidit IOANNES BOSCIVS ZONAEVS,
 „non ZONAEVS, uti male audit in LAB-
 „BEI *Biblioth. nouiff. MSC. pag. 114. Louani*



„1554. 8. Prodiit etiam graece cum No-
„GAROLAE versione et variis lectionibus,
„ex officina COMMELINI, 1596. 8. etc.
„Argute de OCELLO, IACOBVS DVFOR-
„TVS p. 384. *Poemat.* canit:

„*Dum mundum aeternum putat, baud bene*
cernit OCELLVS,

„*Vera LVCANVS denique luce caret.*



XXV

T. LVCRETII CARI *de rerum natura*
Libri sex nuper emendati, 4.
pagg. 107.

Est haec, uti FREYTAGIVS testatur,
Analect. Liter. Tom. 1. p. 99. omnium LV-
CRETII editionum *tertia*, ex iis autem,
quas ALDVS exscribi curavit, prima, ea-
que non rarissima solum, verum etiam
commendatissima, literis impressa romanis.
Dicauit eam ALDVS MANVTIVS Carpo-
rum Principi ALBERTO PIO, ex qua nun-



cupatoria epistola, pleraque repetita legas apud FREYTAGIVM *loc. cit.* Laudat in ea inprimis ALDVS, HIERONYMV AVANCIVM Veronensem, *virum latinae linguae et artium liberalium non mediocriter peritum, eiusque, quem in corrigendo restituendoque LVCRETIO impendit, laborem, sicque emendatum atque integrum eum in vulgum prodire lectores credere iubet, ut perpauca indigeat castigatione.* ALDI epistolam excipit ipsius HIERONYMI AVANCII ad VALERIVM SVPERCHIVM, Pifaurensem, Medicinae Doctorem et Mathematicum Professorem, epistola, scripta *Kalend. Martii 1499.* ubi paribus officiis gratum se ac memorem erga ALDVM probat, *hominemque eum dicit latinis graecisque literis eruditum earundemque mirifice cultorem et instauratorem.* In praefatione AVANCII ad lectorem, quae tertio loco inuenitur, ratio redditur, cur corruptissimum Poema Lucretianum, sine antiquo exemplari emendare

dare et publicari ausus fuerit. Istam praefationem excipit, *Expositio eorum, quae singulis libris continentur*, et in fine codicis haec leguntur verba: HIER. AVANCII *Veronensis ingenio et labore, Venetiis accuratiss.* apud ALDVM mense Decemb. MD. (1500) *Non licet sic alteri cuiquam sine multa in Oris Venetis.* Conf. MICH. MATTAIRE *Annal. Typogr. Tom. 1.*

p. 713.



XXVI

TITVS LVCRETIVS CARVS de *rerum natura*; Fol.

Alia est LVCRETII nostri editio antiquissima pariter atque rarissima, in cuius fine legitur: T. LVCRETII CARI *Poetae Philosophique antiquissimi, de rerum primordia natura ad MEMMIUM Liber sextus et ultimus explicat foeliciter.* PAVLVS hunc impressit FRIDENPERGER in Verona, qui

H 2

genitus



genitus est in Patauia, (Passauii) Alae magnae, (Alemanniae.) Ab incarnatione Christi 1486. die vicesimo octauo Septembris Calen. Octobris. De qua vide THEOPH. SINCERVM *loc. cit. Tom. II. p. 86.* IO. ALB. FABRICII *Bibl. Lat. Lib. I. Cap. IV. p. 44. Tom. II. p. 59.* MICH. MATTAIRE *Annal. Typogr. Tom. I. p. 474.* IO. NIC. FVNCII *Tract. de Adolescent. Lat. Lingu. Marp. 1723. Cap. III. §. XLIV. p. 165.* GOETZII *Merkwürdigk. der Königl. Biblioth. zu Dresden, Tom. I. p. 331.* Quos vero fere omnes erroris accusat FREYTAGIVS *loc. cit.* propter ea quod sibi persuadeant, hanc ipsam iam editionem, AVANCII nostri supra laudati cura, lucem aspexisse.

Denique monendum est aliam adhuc extare LVCRETII editionem, neque minori raritate conspicuam, quae ex *aedibus* eiusdem ALDI et ANDREAE SOCERI *ad veterum exemplarium fidem castigata* prodiit *Venet. 1555. mense Ianuar. 8.* de qua vid.

MICH.



MICH. MATTAIRE *loc. cit. Tom. II. p. 270.*
IO. ALB. FABRICIVM *Bibl. Lat. Tom. II.*
p. 59. die Merkwürd. der Königl. Biblioth. in
Dresden, l. c. p. 332. et omnium optimam
emendatissimamque esse eam, quam cum
interpretatione et notis edidit THOMAS
CREECH Londini 1717. 8. praestantissimam
vero Hauercompianam, quae Lugd. Bat.
1725. 4. II. Voll. prodiit.



XXVII

PETRI DE CRESCENTIIS *Opus ruralium commodorum, fol.*

In calce haec leguntur verba: *Praesens opus ruralium commodorum PETRI DE CRESCENTIIS, hoc industriofo caracterisandi stilo ad cunctorum utilitatem omnipotentis Dei suffragio novissime impressum enim in domo IOANNIS DE WESTFALIA. ^{d)} Alma ac florentissima in uniuersitate Louaniensi.*

H 3

Et

d) Qui imprimebat Louanii 1473. Vid. MATTAIRE *Annal. Typogr. Tom. I. p. 373.*



Et scriptores Oeconomicos, Physicos inter atque Medicos iure suo atque merito locum quendam occupare, nemo est, qui eat inficias. Hinc non est, quod mireris, si praesens opusculum libris meis rarioribus annumeratum vides. Composuit vero illud PETRVS DE CRESCENTIIS iussu regio, fratrique AYMERICO DE PLACENTIA, Ord. Fratrum Predicatorum generali Magistro, dedicauit, ad quem inter alia scribit: *Cum praesentem librum ruralium commodorum ad Dei omnipotentis honorem et Serenissimi regis Karoli delectationem, meique et caeterorum utilitatem inchoassem et mediaissem, multis et variis occupationibus impeditus diu perficere distuli. Verum a Vestra nobili Sanctitate ut complerem rogatus, quod pro Dominico mandato libenter recepi, Iudiciorum et ciuiliu occupationum strepitu relicto, quibus non poteram sic animum, uti operi expediebat, quietum habere ad ruris habitationem septuagenarius me transtuli.*

Est vero omne opus diuifum in Capita XII. quorum agit I) de *locis habitabilibus eligendis*; II) de *plantis*; III) de *agris colendis*; IV) de *vitibus et vineis*; V) de *arboribus*; VI) de *bortis*; VII) de *pratis et nemoribus*; VIII) de *viridariis*; IX) de *animalibus*; X) de *diuerfis ingeniis capiendi animalia fera*; XI) de *regulis operationum ruris*; XII) de *iis, quae fingulis menfibus funt in rure agenda*. Ita vero auctor noster *Lib. I. Cap. I.* de fe ipfo fcribit: „Ego P. DE „CRESCENTIIS, ciuis Bononiensis, qui „tempus adolefcentie in logica, medicina „et fcientia naturali totum confumfi et de- „mum nobili fcientie legum infudaui pa- „cifici ftatus anxius. Post flendum fcisma „egregie illius urbis que vero et fibi pro- „prio nomine *Bononia*, id eft, *bona per* „*omnia*, in omnibus mundi climatibus di- „cebatur. Cognoui quam commutata „unitate ac ftatu pacifico in diffenfionem. „Odium et liuorem non erat iuftum ipfius



„peruerse diuisionis immisceri negociis.
 „Ideoque annis triginta, diuersas prouincias
 „cum earum rectoribus circuiui subiectis
 „iustitiam libenter tribuens — — multosque
 „libros antiquorum et nouorum pruden-
 „tum perlegi et diuersas ac varias opera-
 „tiones colentium rura vidi. Demum ci-
 „uitate quodammodo diuina gratia refor-
 „mata taedio late circuicionis et lese liber-
 „tatis affectus ad propria redii ac cernens,
 „quod omnium rerum ex quibus aliquid
 „acquiritur, nihil est agricultura melius,
 „nihil uberius — — ad cultum ruris mentem
 „animumque conuerti. — — — Librum ru-
 „ralium commodorum inscripti, quia de
 „commodis ruris tractat. etc.

Paginae in hoc literis Gothicis excuso
 libro, non supra, sed in calce folii conspici-
 untur; de qua consuetudine b. LOESCHE-
 RVS *Stromat. pag. 286.* Primus scribit AL-
 DV S. *numeris paginas signauit, ab Anno*
quippe 1496. post illam Typographi nonnulli ad
finem



*finem paginae numeros posuerunt; sed Aldi consilium, qui superiorem oram eligerat praevaluit. In Actis Erudit. Franc. XIV. Collect. pag. 88. editio latina opusculi huius 1471. fol. et ibid. Collect. X. pag. 705. versio germanica 1493. fol. cum fig. recensetur. Illustr. ROHRIVS vero Biblioth. Oeconom. comp. pag. 91. editionis lat. Argentorat. 1602. fol. editae meminit, quae vero a nostra plane est diuersa. Plures adhuc producit FREYTAGIVS Anal. Liter. pag. 278. editiones. Ita enim Basileensem a. 1548. forma prima sub tit. *Tractatus de omnibus agriculturae partibus et de plantarum animaliumque natura et utilitate Lib. XII.* editam commemorat librisque suis annumerat rarioribus. Hinc antiquiores aliquot ex *Biblioth. Hulsianae Part. I. p. 10.* addit, scil. antiquissimam illam sine loco et anno, nostramque de qua supra egimus fusius, cuiusque etiam meminit MATTAIRE *loc. cit. Tom. I. pag. 338.* Haeque omnium, quas habemus,*



sunt antiquissimae. Conf. I. A. FABRICIUS *Bibl. Med. et inf. latin. Lib. III. pag. 1221.* Versionis italicae VOGTIVS meminit, *loc. cit. pag. 222.* germanicae vero extant adhuc, praeter supra iam nominatam, binae; alia *Argentoratensis, 1518. fol.* a FABRICIO memorata, alia *Frankofurtensis, 1538. fol.* apud SIGISMUND FEYERABEND, sub tit. *New Feldt vnd Aeckerbücher.* etc. In eius, quae ex Biblioth. beati SCHWARZII *Acta Francica Coll. XIV.* commemorant, sine legitur: IOAN. SCHÜSLERVM ciuem Augustensem eam impressisse. Vbi etiam in notis uberius de aetate et meritis PETRI DE CRESCENTIIS agitur. Cum enim nuncupata haec editio sit CAROLO Siciliae Regi, hic vero Andegaviensis propaginis Patri suo CAROLO II. an. 1285. in regimine successerit; aetas PETRI facile inde colligitur. ORLANDVS an. 1220. eum natum fuisse obiisseque 1300. refert, ex SIMLERI autem *Biblioth. p. 556.* Bononiae eum
Sena-

Senatorem fuisse discimus. Cumque in praefatione CRESCENTIVS, uti audiuius, tradat, annos se 30. per prouincias diuersas cum earum circumiuisse rectoribus etc. vix est dubium, quin hic auctor ad illustrandos veteres scriptores rei agrariae, quos saepius citat, nonnihil conferre possit. Apud SAVBERTVM in *Hist. Bibl. Norimb. p. 119.* liber hic vitiose et obscure scribitur: PETR. DE CRESCENT. *natal. comm. Lib. XII.*

*Anno 1471. Videatur etiam SINCERVS
- loc. cit. Tom. II. p. 327. seqq.*





XXVIII

Chirurgia, oder die Hantwirkung der
Wund: Arzney von IHERONIMO
Brunschwig, Wund: Arzet der keyserlichen
freyen stat strassburg, als er von vil herfarn:
den Arzten gelernet, auch durch syn Pra-
ctica gebrücht hat. Mit figuren,
in fol.

Cum iam olim *Libror. rar. Bibliothecae
meae Specim. I. p. 26.* de auctore huius libelli
aliqua a me producta esse memini, non est
quod longius hic in enarrandis *Brunswigii*
nostri immorer meritis. Vnum vero est,
quod tacere non possum. Clar. HALLERVS,
hodie in ciuitate patria *Praetor urbanus*,
cum in *Nouis Literariis Goettingensibus*, 1752.
p. 362. libellum illum meum indicat, *Brun-
suigium* meum vocat, HIER. SALERVM,
et idem fecit in edita *Methodo studii Medici
Boerbauiana*, *p. 171.* ubi addit natum illum
fuisse Brunsuigae. Sed errasse hac in re
Virum doctissimum, ex iis, quae supra *l. c.*
protuli,



protuli, quilibet iam facile colligere poterit. Verum enim nostri nomen fuit, *HIER. BRAVNSCHWEIG*, natusque est *Argentorati*. Quod vero dicat eum *HALLERVS*, *Salerum*, famam *HALLERI* utique minuit. Si enim noster dicit, esse se des *Geschlechts Salern*, haec verba non gentem, ex qua prodiit, sed scholam, scilicet *Salernitanam*, in qua edoctus est, indicant.

Sed transeant haec, ad opusculum nostrum redeamus. Huius in calce leguntur verba: mit Gnaden und Hilff des almechtigen Gotz mir verluhen hast, daß vollendet ist diß buch, daß ich lang zit begert hab vß brüderlicher trw durch begierlicher lieb. Doch die zit vñ stund myner geschefft halb gefurzt, darumb bit ich euch gelerten und erfarnen mit hohen fließ solchs vff zu nemen im besten von mir, wan ich begeren byn die leer von noch witterer zu erfaren vnd vornehmen, vnd diß Werck han ich nit geoffenbaret mir zu gewin od' nuz, sunder den menschen



zu nutz vnd hilff die sie notturfft werden, auch
 miner selen zu trost vnd zu erlosen vor den
 der vns Got alweg vnd ewich vor behüt.
 Vnd dorch Johannes Bruniger gedruck vnd
 volendt zu strasburgk vf zistag nach sant peter
 vnd Pauls dag. anno dni. M. CCC. XCVII.
 (1397. lege 1497.) Die kurze Vorrede
 fängt der Autor also an:

O ir iungen angonden meister vnd knecht
 der scherer vnd wundarzet, nempt war vnd
 merkent vff mit fließ diß allercleinsten buchlin,
 daß ich Jheronimus Brunschwig bürtig
 von Straßburgk, des geschlechts von sau-
 lern, mit fliß vnd erst zu samen bracht hab.
 von vil gelerten und gutten meistern. 2c.

Caeterum in VII. Capita opus hoc ab
 auctore diuifum vidimus. Hincque agitur
 I. von eines Chirurgi Sitten und Wesen;
 II. et III. von Wunden; IV. von schlagen,
 stossen 2c. V. von Beinbrüchen; VI. von
 Verrenkung der Glieder; VII. von Anti-
 dotario und Recepten machen.

Praeter



Praeter multas alias editiones, quae de hoc libro prodierunt reiteratae, notanda venit inprimis ea, quae hoc ipso etiam anno 1497. *Augustae Vindelicor.* per HANS SCHOENSPERGER lucem vidit eadem forma. Aliaque, quae, uti ex calce videmus, prodiit apud GRVNIGER vff den Palm-
abent in dem Jar MD vñ XIII.

(1513.)



XXIX

GASPARIS TALIACOTII, Bononien-
sis, Philosophi et Medici Praeclarissimi;
Theoricam et Anatomen in Gymnasio
Bononienfi publice profitentis, *de Curto-
rum Chirurgia per insitionem Libri duo*,
in quibus ea omnia, quae ad huius Chi-
rurgiae, narium scilicet, aurium ac labio-
rum per insitionem restaurandorum cum
Theorice, tum Practice pertinere vi-
debantur, clarissima methodo cumulatis-
sime declarantur. *Additis cutis traducis
instru-*



*instrumentorum omnium atque deligatio-
num iconibus et tabulis.* Cum indice qua-
druplici expeditissimo, capitum singulo-
rum, authorum, controuersiarum, rerum
denique et verborum memorabilium.
Cum priuilegiis summi Pontificis, Caesa-
rae Maiestatis, Christianissimi Galliae Re-
gis, Regis Hispaniarum, Senatus Veneti et
aliorum Principum. *Venetiis MDXCVII.*
apud GASPAREM BINDONVM iunio-
rem. fol. Liber I. 94. Liber II. 95. pagg.
non computatis praef. et indic. cum
figg. tabb. XXII.

Ecce! o Lector, opus rarissimum, idque
non inuentu solum, verum et ob argu-
mentum, circa quod versatur, rarissimum!
Opus eleganti et egregia doctrina abundan-
tissimum dignissimumque, ut, sentiente
ita GABRIEL NAVDAEO *in diff. de instru-
enda Bibliotheca, pag. 92.* inprimis in Biblio-
thecis inueniatur virorum doctorum et
prae aliis comparetur.

Vtrum-

Vtrumque igitur et argumentum et opusculum paulo considerandum est curatius.

Primum igitur, *argumentum*, quod attinet, haud defuerunt, qui TALIACOTIVM veteratorem habuerunt, omniaque, quae ab eo proposita sunt, commentitia et iactandi ingenii causa scripta esse putarunt, e quorum numero IO. ANDR. A CRUCE primo nominandus loco venit, qui in *Chirurg. Tom. II. Lib. II. Cap. III. pag. 82.* hoc asserit. Cui ANDR. OTTOM. GOELICKE *Histor. Chir. pag. 119.* etiam adstipulatur, et HEISTERVS in *Chirurg. germ. p. m. 604.* assentire videtur. Quo minus autem cum his sentiamus, vetant praestantissimorum omnique fide dignissimorum scriptorum testimonia. Teste enim IO. BAPTISTA CORTESIO in *Miscell. med. Dec. III. pag. 83.* artem hanc TALIACOTIVS accepit, a medicis Turpiensibus ex Boiana Familia natis, in qua, 'ut olim medicina in familia Asclepiadarum, haec

ars a quodam PETRO BOIANO inuenta
fuisse dicitur. Et ipse TALIA¹COTIVS artem
hanc se non inuenisse, sed a medicis quibus-
dam in Calabria accepisse, fatetur in prae-
fatione, et acriter contra eos pugnat, qui
artem hanc vanam esse, sibi aliisque per-
suadent. *Lib. I. Cap. XVII. p. 44.* Adducit
praeterea auctores plures, qui de eius ve-
ritate, ante tempora, quibus ille scripsit,
grauia dederunt testimonia, ALEXAND.
BENEDICTVM, *Lib. V. Cap. XIX.* ANDR.
VESALIVM, *Lib. III. Cap. XIX.* AMBR.
PARAEVM, ^{e)} GOVRMELENVM, SCHEN-
CKIVM,

- e) Hic enim Regis Galliarum Chirurgus Pri-
marius, *Opp. Chirurg. Erf. 1594. fol. ed.*
Lib. XXII. Cap. II. pag. 650. hunc in modum
scribit: Extitit superioribus annis in Italia
Chirurgus, qui resectae portionis nasi repa-
randae hanc rationem inierat. Nasi mutili
callosa labra circumcidebat, quomodo in
implendis rostris leporinis fieri solet. Inde
lacunam nouacula tam magnam in bicipite
brachii musculo excauabat, quantum am-
putatae nasi portionis amplitudo exigere vi-
debatur. In eam mox nasum, qua parte
mutilus erat, demergebat, capite ad bra-



CKIVM, *Cap. XIX. pag. 49.* Imo rem experimentis a se factis confirmat *Lib. I. Cap. XXIII. pag. 69.* Et iam in epistola, quam ad

I 2

HIERO-

chium tanquam ad palum, sic tam reuincto et colligato, ut immotum est, stabilem nullam in partem flecti posset. Quadragésima inde demum die, quo scilicet tempore perfectam carnis brachii cum naso agglutinationem suspicabatur, tantum eius pro perditam nasi portione circumcidebat, quantum ipsi reparandae faris esse putabat. Id informe postea quasi lambendo parabat, complanabat, et ad reliquam nasi aequalitatem, quantum ars patitur, reducebat. Aegrum interea panatella, carnibus expressis, omnibusque deglutitu, coctu et distributu facillimis nutriebat. Medicamentis autem haud aliis tantum fissarcoseos perficiebat opus, quam balsaminis quibusdam liquoribus agglutinantibus. Minor natu familiae a S. THOANO nasi argentei et probrosi, quem multos per annos circumferebat, pertaesus, ad Chirur- gum illum in Italiam perrexit, et artis commemoratae industria nasum recuperavit, magna omnium, qui ipsum ante nouerant, admiratione. Possibile id quidem opus est, sed arduae omnino plenum difficultatis, tum patienti aegro, tum agenti Chirurgo: vel hoc nomine, quod carnis, quae e brachio reponitur, temperies longe differt a carnis



HIERONYMUM dedit MERCURIALEM,
 quaeque in huius de *Decoratione* libro *Cap.*
XVIII. in edit. Frf. A. MDLXXXVII. impressa
 legitur, is plures viros nobiles nominat,
 quibus a se nares restitutas fuisse asseuerat.

Atque

nasi temperie, et quod restituti nasi forami-
 na, qualia ante erant, excuari nequeunt.
 Haecenus PARAEVS.

Quamquam autem ille hic non quidem nomi-
 net, quisnam ille sit Chirurgus Italus, qui
 artem. hanc calluit; DANIELEM SEN-
 NERTVM tamen si euoluamus, *Institut. Med.*
Lib. V. Part. I. Sect. II. Cap. XIV. p. m. 970.
 TALIACOTIVM nostrum fuisse facile vide-
 mus. Hic enim „nostra, inquit, aetate
 „non solum prolixè et accurate hac de re
 „scripsit CASPAR TALIACOTIVS, Bono-
 „niensis, sed et ipso opere specimen huius
 „rei edidit, sicut id testatur AMEROSIVS
 „PARAEVS, *Lib. XXII. Cap. II.* — — Ve-
 „rum cum ista artificiosa et valde miranda
 „operatio per compendium integre et clare
 „explicari non possit: ad TALIACOTII
 „librum de *Curtorum Chirurgia per insitionem*,
 „lectores remittimus, in quo non omnia so-
 „lum ad hanc rem necessaria diligenter et
 „accurate explicantur, sed et iconibus, sine
 „quibus alias haec doctrina haud facile per-
 „cipitur, omnia satis superque illustrantur.

Atque non solum ANTONIVS MOLINET-
TVS *Differt. Anat. Patbol. Lib. IV. C. XII.* ^{f)}
sed etiam THOMAS FIENVVS in *Chirurg.*
Lib. XII. Cap. 1. ^{g)} GVIL. FABRICIVS
HILDANVS *Cent. III. Obs. XXXI. pag. 214.*
et in Epistola ad IO. GRIFFONIVM, in

I 3

Ep.

f) Vbi se anno MDCXXV. *nares* a parente
Nobili Polono *elegantissime resarcitas* vidisse
affirmat. Conf. HENR. MOINICHEN.
Observatt. Med. c. M. LYSERI cultro anat.
edit. Obs. XXIII. pag. 212.

g) Ego ipse, inquit, testari possum, CASP.
TALIACOTIVM, Profess. Bononiensem, plu-
rimos hac arte *nares* restituisse, quorum ego
aliquos in aliquibus restauratos vidi, alios
actu fabricari. Itaque IO. ANDR. CRV-
CII maximi alias Chirurgi, negantis factum,
non est audienda autoritas, nec attendenda,
utpote qui illam nesciebat. Et potius assen-
tiendum est aliis autoribus. etc. Hincque
citatur id asseuerantes GVILBERTVM, *Cogna-*
tum NOSERONVM, cuius inprimis testi-
monio, Branca Siculus, Chirurgus maxime
insignis, *nares*, aures, labiaque curta sic
restituisse fertur, quosque iam supra in me-
dium produxi, ALEX. BENEDICTVM,
VESALIVM, FALLOPIVM, HIER. MER-
CVRIALEM, et alios.



Ep. Cent. Ep. XXII. quem propter hanc curationem puellae feliciter adhibitam laudat, testantur, tales se homines vidisse, quibus nares sartaе fuerint restitutaеque. Plura de hac operatione arteque tradunt G. F. DE FRANCKENAV *Diss. med. de restitutione in integrum Satyr. Med. pag. 501.* SALZMAN-
NVS *Diss de Cbirurgia Curtorum Argent. 1712.* REAVMVRIVS, in *Hist. Acad. Reg. Sc. MDCCXIX. pag. 36.* IOAN. BAPT. DU BOIS, *Quaest. med. An curtae nares ex brachio reficiendae? Paris. 1742.* IO. ZACH. PLATNERI, *Institut. Cbirurg. §. 593.* PAV-
LVS ZACH. *Quaest. Medico-legal. Lib. V. Tit. III. Qu. III. p. m. 451. seq.* C. W. KESTNER *Hist. Med. Liter. Stolliana p. 837.* nonnullique alii, ex quorum numero eminet inprimis Celeb. WAGENSEILIVS. Hic enim in *Exercitt. argum. var. Exerc. II. p. 65.* scribit: „Primus, ni fallor, hunc medendi mo-
„dum inducit GASPAR TALIACOTIVS,
„Medicus Bononiensis circa finem prioris
„seculi,

„seculi, cuius non tantum amplum librum
„*de noua curtorum Cbirurgia per insitionem*,
„aeneis figuris omnem operandi modum
„repraesentantem, sed et *statuam*, *dextra*
„*nasum tenentem* in Theatro Anatomico
„Bononiensi vidisse me memini, *atque hanc*
„*statuam ob nasos restitutos ei positam esse*
„narrabant, qui me introduxere. Enim-
„vero, cum arbor aliqua, et alia etiam
„heterogenea, rami viui insitionem patia-
„tur, utique consimili ratione, viua caro
„vultus, cum viua carne brachii, siue
„proprii, siue alieni coalescere quoque
„potest. At illud mihi nemo persuadebit,
„cum nasus ex peregrino excinditur bra-
„chio, tum eo, cuius brachium hoc mem-
„brum fuit, moriente, etiam illum, cui
„brachium commodauerat, nasi iacturam
„incurrere. Neque enim arbore, e qua
„ramus alteri inoculandus auellitur, per-
„eunte, ramus ille quoque exarescit, quip-
„pe ex noua arbore, cui implantatus, suc-



„cum, nutrimentum et vim accipit, huius-
 „que sequitur conditionem. Idem et de
 „naso adscititio putandum, qualis si puero
 „pusillo adoptetur, quin crescente hoc, ad
 „maiores quantitatem nasus fit peruentu-
 „rus, nihil ambigo, ac proinde non amit-
 „tet vitam quoque, nisi cum eo corpore,
 „cui adhaesit. Quamquam, quid verbis
 „opus est? quotidie videmus sanguinem,
 „quem aut venae sectio, aut cucurbitae,
 „aut vulnera e corpore prolicuerunt, pu-
 „trescere, citra corporis noxam, unde
 „emanavit. Imo, membra integra a cor-
 „pore aliquo, siue ad sistendam, ne sincera
 „pars trahatur, gangraenam, siue inter
 „pugnandum, siue etiam a carnifice in sup-
 „plicium, resecta, putrescunt, conficiun-
 „turque, nullo, ne dolore quidem eorum
 „minimo, qui illis carere coguntur. Profe-
 „cto male consultum esset Iudaeorum gen-
 „ti, quin adeo periisset illa pridem, non ra-
 „dicatus, verum eradicatus, ut cum Paulo
 „loquar,

„loquar, si id contingeret, quod euenturum
 „SCHWENDTERVS metuit. Scilicet am-
 „putatur cuique infanti mari, recens nato,
 „praeputium, ac proiectum in discum ple-
 „num arena, una cum hac, interdum in
 „synagogis sub suggestu, quem ipsi AL-
 „MEMAR vocant, interdum in loco alio
 „quocunque (variat enim consuetudo et-
 „iam in Germania) effunditur, postquam
 „prius in arenam circumcisor contpuit
 „quoque sanguinem, quem ore suo, ter
 „vulnus in genitali membro exsugendo
 „attraxit, ne caeteroquin saniosus redda-
 „tur, si ibi fuerit relictus. Tantum autem
 „abest, ut Iudaei periculum aliquod verpis
 „pulsionibus ex praeputio in arenis con-
 „sumto metuant, ut potius id felicitatis
 „salutisque omen ac momentum habere
 „interpretentur.„ Sed haecenus de argu-
 „mento circa quod TALIACTIVS versatur
 „noster; ad ipsum nunc etiam accedendum
 „est opus, in quo de eo uberius exposuit.



Praeter hanc, quam offero, editionem, prodiit illud etiam secunda vice *Francofurti*, 1598. 8. figurae vero aeneae in nostra Venetiana, longe sunt elegantiores, quare etiam singularis illis praefixus legitur hic titulus: *Viua curtarum navium, aurium, labiorum, traducis cutanei; instrumentorumque ac deligationum, quae chirurgicae huic insertioni deseruiunt, delineatio. Annexis una tabulis, alphabetico quaeque ordine sigillatim, distincte et dilucide ob oculos constituentibus.* Germanice autem, uti HEISTERVS refert, prodiit nunquam.

Dedicata est *Venetiana nostra editio* ab auctore, VINCENTIO GONZAGAE, Mantuae Principi. In hac nuncupatoria epistola grauitèr conqueritur TALIA COTIVS, quam grauem, difficilem atque incommodum illi suscipiant laborem, qui nouum aliquod pertractant argumentum, praecipue si parum vel nihil aliunde habeant adiumenti. Hanc epistolam varia doctorum viro-



virorum sequuntur elogia, quibus laborem
TALIACOTII condecorarunt, sed ea in
Francofurtana desiderantur omnia, praeter
unicum illud, quod IOAN. ANDR. TA-
LIACOTIVS, GASPARI nostri filius,
posuit, et sic se habet:

*Quid rerum natura parens miratur? an
artem?*

*An magis ingenium GASPARI? an
ne inanium?*

*Ingenium pariterque manum, miratur et
artem,*

Nam sunt humana conditione super.

Sed tamen et alia quaedam adduxisse iuua-
bit. Hinc IULIUS CAESAR CLAUDIVS,
Medicus et Philosophus, et in eadem Aca-
demia, Practicae Professor Ordinarius, quin-
que, latina quatuor, graecumque unum
composuit. Ex his primum hoc est:

*Te tuus HIPPOCRATEM, GASPARE, li-
ber aureus et te*

*Non hominem, prope iam sed facit esse
Deum.*

Artis



*Artis Apollineae mystes penetralia pandis,
Callida quae rerum texerat arte parens.*

*Victa igitur ; nec victa dolet ; quin illa
triumphat,*

Quod qui tam utiliter vinceret, ipsa dedit.

*Maeste noua virtute ; tuo, quae visa no-
uerca est,*

Natura, ingenio iam pia mater erit.

Graecum vero ita comparatum est:

Ἦν Φάος Ἰπποκράτης μερόπων, ἐν ὧσ' Ἰπποκράτης
εἶδεν,

Νῦν δ' ἀνθ' Ἰπποκράτης Γάσπαρ ὃδ' ἐστὶ Φάος,

Ἀμφω μὲν παιηοσύνης εὖ ἔργα μαθόντες.

Ζῶς δ' ὅγε τῷ Φθιμένῃ κρείττονα δόξαν ἔχει.

Οὗτος δὲ ἐτεὸν πολλῶν ἀν' τάξι' ἄλλων.

Θεῖ, ἄγε, τῷ Θεῷ μνήματα Φῶτος ἔλε.

Κῶς γέρον, μέγα χαῖρε, σύ τ' ὦ μέγα χαῖρε
Γαληνέ,

Ἀυτὴν ἥδε φέρει βιβλος ἀκεσορίην.

Hoc est:

*Lux hominum HIPPOCRATES, potuit dum
cernere lucem ;*

*HIPPOCRATE extincto lux noua GAS-
PAR erit.*

Magnus



Magnus uterque manu, medica et clarissimus arte:

Maius hic alterius nomine nomen habet.

Hic verē fuerit centum pro millibus unus:

Haec cape, diuini sunt monumenta viri.

Iam mihi, Coe senex iamque ipse valeto

GALENE:

Ipsa enim inclusa est hoc medicina libro.

Post haec et compluria alia elogia, sequitur Index autorum, quorum in tractatu fit mentio, aliusque totius opusculi capitum elenchus, hunc, ut videamus, quid praestiterit auctor, describendum putaui.

Index Capitum Libri I.

Cap. I. Operis subiectum, eius praestantia et utilitas una cum faciei appellationibus explicatur. *Cap. II.* De dignitate faciei et philosophicae Poeseos aliarumque disciplinarum fontibus. *Cap. III.* Alias adhuc faciei dotes in suae praestantiae gratiam explicat. *Cap. IV.* De faciei dignitate secundum Medicos. *Cap. V.* De dignitate



tate narium. *Cap. VI.* De dignitate narium secundum Philosophos et Medicos. *Cap. VII.* Pugnatur pro GALENO, de expurgatione cerebri per nares. *Cap. VIII.* De narium conformatione, figura, situ et caeteris, quae in membri organici disquisitionem veniunt. *Cap. IX.* De labiorum dignitate et compositione. *Cap. X.* De dignitate aurium et earum constructione. *Cap. XI.* Quae dicantur in corpore humano curta, in quibus curtorum Chirurgia posita sit, quonam affectuum genere contineantur, et ad quam medicinae partem hic liber referatur. *Cap. XII.* Operationis huius tradit principia. *Cap. XIII.* De materia ad curtorum resectionem idonea. *Cap. XIV.* De loco unde cutanea propago sit educenda. *Cap. XV.* De cutis traducis quantitate feligenda. *Cap. XVI.* Qua ratione cutanea propago cutis partibus sit adiungenda. *Cap. XVII.* Quae corpora aptiora sint ad hanc operationem, et numquid

quid omnibus anni temporibus aequè illam praestare liceat. *Cap. XVIII.* An ex alieno corpore, an vero proprio tradux sit eligendus. *Cap. XIX.* Quid scripserint antiqui et recentiores de curtarum restauratione, et an haec nostra illis conueniat. *Cap. XX.* Quae chirurgiae operationes cum exitio frequenti et saeuis cruciatibus coniunctae sint. *Cap. XXI.* Anacephalaeosis chirurgicarum operationum, quae iam in usu sunt. *Cap. XXII.* Quod haec curtorum operatio minime sit exitialis. *Cap. XXIII.* Quae sint differentiae curtarum narium, labiorum, auricularum, et quae earum facilius, quae difficilius, quaeque nullo pacto refarciri queant. *Cap. XXIV.* In quo restitutae nares ex propagine, a naturalibus ante resectis differant. *Cap. XXV.* Solutio quorundam problematum, quae in hoc tractatu occurrunt.

Index Capitum Libri II.

Cap. I. Scopus huius libri et actionis ordo,


ordo, atque cum his uniuersales agendorum intentiones traduntur. *Cap. II.* De uniuersa corporum expiratione per singula medicinae instrumenta. *Cap. III.* Enumeratio eorum, quae pro cutis propagationis delineatione necessaria sunt, ac omnis suppellectilis apparatus. *Cap. IV.* Quo pacto cutanea propago delineanda sit. *Cap. V.* Curatio cutis propagationis iam delineatae. *Cap. VI.* Medela quorundam symptomatum, quae cusi iam delineatae aduenire solent. *Cap. VII.* Cur traducis cutanei depromendi actio diducatur, neque id unica sectione fiat, quodque sit tempus opportunum huic educationi administrandae, et quis sit futurus omnis illius apparatus. *Cap. VIII.* De cutanei traducis iam educendi administratione. *Cap. IX.* De curatione recentis et antiqui vulneris, cum in traduce cutaneo tum in area ipsa, nec non de cutanei traducis educatione. *Cap. X.* De inferendi tempore, cuiusnam scilicet aetatis

aetatis cutaneus tradux ad efficiendam infitionem sit eligendus. *Cap. XI.* De apparatu eorum, quae ante infitionem necessaria sunt. *Cap. XII.* De infitionis administratione. *Cap. XIII.* De curatione infitionis, et quae victus ratio interim observanda sit. *Cap. XIV.* De symptomatis partium iam infitarum tum propriis tum communibus, et quo pacto corrigenda sint. *Cap. XV.* De rescindenda penitus a brachio propagine, atque ut illam demum curare deceat. *Cap. XVI.* De configuratione traducis, ut nares repraesentent. *Cap. XVII.* De infitione columnae. *Cap. XVIII.* De conformatione cutanei traducis, reliqua.

Haec igitur sunt opusculi nostri Taliacotiani argumenta. Egit iam de eo etiam SERPILIVS, im Verzeichniß einiger raren Bücher, Leipzig 1723. 8. III. Stück, pag. 336. seqq. et de auctore, eiusque vita, meritis, scriptisque consulendi sunt, GHI-



LINI, *Theatr. Ital.* FREHERVS, *Theatr.*
P. III. pag. 1303. obiit autem TALIACO-
 TIVS in patria urbe Bononiae, An. 1599.
 d. 3. Nou. aet. 53.



XXX

Dispensatorium Magistri NICOLAI
 PREPOSITI, ad aromatarios. Venundan-
 tur *Lugduni* ab IACOBO HVGVEDAM,
 eiusdem ciuitatis bibliopola, in vico mer-
 curiali. Et parrhisiis in vico Sancti Iacobi
 sub diua virgine prope Sanctum
 Benedictum, 4.

In calce leguntur haec: *Finiunt introdu-*
ctiones NIC. PREPOSITI, *medici clarissimi*
Ysagoge: in artem apothecariatis. expensis
 IACOBI HVGVEDAM, *mercatoris librorum:*
sed arte ingenio FRANCISCI FRADIM,
Lugd. impresse. Anno ab incarnatione Domi.
M. CCCCC V. (1505.) die Xiiij Nouem-
bris. Laus omnipotenti Deo.

LINDENIVS, in *Comment. de Scriptis medicis*, ed. MERCKLIN. p. 842. Hunc NICOLAVM PREPOSITVM, et NICOLAVM MYREPSVM ALEXANDRINVM pro uno habet auctore, et floruisse eum ex IVSTI testimonio ait: A. 1524. producit etiam duas adhuc huius libri editiones, praeter hanc, quam nos indicamus, alteram Lugdunensem apud CLAVDIVM TVLPIN, 1536. alteram Parisiensem apud NICOLAVM BONFONIVM 1582, utramque in forma quarta editam. Errasse vero hic magnum errorem bonum LINDENIVM, docuerunt iam ante me LEONH. FVCHSIUS, *Opp. suor. Tom. I. pag. 208.* CONRINGIVS, *Introd. in med. uniu. p. m. 374.* STOLLE in *der Medic. Gel. Histor. p. 101.* KESTNERVS *Lexico biograph. p. 675.* Hic enim MYREPSVS, Medicus Graecus fuit et Seculo IX. floruit; noster autem PREPOSITVS inter latino-barbaros locum habet, et SALERNITANVS fuit, (vid. CONRINGII *Antiqq. Acad. Diff. III. p. 101.*)


ex

ex illiusque ALEXANDRINI NICOLAI Opere Pharmaceutico epitomen fecit, quae ille ipse est liber, quem produco, diuisus in Sectiones tres. Harum agit I) de *simplicibus*, II) de *compositis*, et III) de *terminis peregrinis*. Ex Lib. I. Cap. I. ubi de requisitis boni Pharmacopolae exponit, repetiisse iuuabit, dixisseque nostris Pharmacopolis in aurem, quod bonus Pharmacopola debeat esse: 1) *Vir conscientiosus, semper habens Deum pre oculis, in quem omnia sua opera dirigat et per eum perficiat, nec quicquam agat dolose.* 2) Quod debeat esse *diues potensque, ut sufficienter possit muniri de his que sue sunt necessaria, et* 3) quod debeat esse *sciens et expertus in sua arte. Sciens quidem in cognoscendo et expertus in operando, quum ars ista pure mechanica est, que plus usu et opere quam ratione aut syllogismo dicitur.* Vid. THEOPH.

SINCERVS loc. cit. Tom. III.

pag. 189. seq.

CON-





CONSPECTVS LIBRORVM,
QVORVM ENARRATIONES HIC
CONTINENTVR.

- I. *Hortus Eystettensis*, 1613. fol. Pag. 8.
II. EVCHARII ROESLIN. *schwangerer Frauen
Rosengarten*, Aug. Vindel. 1532. 4. 24.
III. STROMERI *Decreta aliquot medica*; Lips.
1531. 4. 32.
IV. FR. FRIZIMELICAE de *balneis metallicis
artificio parandis liber*; Norimb. 1679. 8. 37.
V. VOPISCI FORTVNATI PLEMPPI *Ophthalmograp-
hia*; Louanii 1659. 49.
VI. MARTINI SCHÖCKII *Tract. de Turffis*;
Groning. 1658. 12. 59.
VII. DIODORI EVCHYONTIS, (GASPARI
WOLFFII) *Polychymia*; 1567. 8. 65.
VIII. FORTVNATI LICETI de *animarum co-
extensione liber*; Patau. 1614. 4. 67.
IX. FRANC. BONAMICI de *alimento Libri V.*
Florent. 1603. 4. 71.
X. BENED. CVRTII *Hortor. Libri XXX.* Lugd.
1560. fol. 75.
XI. BERN. CONNOR *Euangelium Medici*; Lond.
1697. 8. 79.
XII. ANDR. BACCIVS de *Thermis*; Venet.
1588. fol. 84.
XIII. EIVSD. *Histor. naturalis vinorum*; Rom.
1596. fol. 90.
XIV.

XIV. STEPH. BASSONIS <i>Philosophia naturalis</i> ; Amstelod. 8.	94.
XV. MICH. SCHENDI VAN DER BECH, <i>Em- pirica illustris</i> ; Aug. Vind. 1723. 8.	97.
XVI. CASP. PEVCERI <i>Vitae illustrium Medi- corum</i> ;	98.
XVII. PAVL. ZACCHIAE <i>de seruanda quiete in morbis curandis Libri III.</i>	99.
XVIII. GVIL. VILLANOVANI <i>de Syrupis</i> ; Parif. 1737. 8.	101.
XIX. FRANC. HENRIQUEZ. DE VILLACORTA <i>Opera Chirurgica</i> ; Amstel. 1673. 4.	103.
XX. HENR. VALLAE <i>Commentat. in Plinium</i> ; Venet. 1502. 4.	104.
XXI. In C. PLIN. SEC. <i>Hist. Nat. Lib. XXX.</i> <i>Cap. I. et II. Commentar.</i> 1548. 4.	104.
XXII. VGON. RVGERII <i>de homine. Lib. II.</i> Bonon. 1472. fol.	107.
XXIII. <i>Plantae Orientales et Occidentales, II. Voll.</i> Parif. 1701. fol.	108.
XXIV. OCELLVS LVCANVS <i>de natura uniuersi</i> ; Venet. 1559. 4.	109.
XXV. T. LVCRET. CARVS apud ALDVM; 4.	113.
XXVI. Idem liber; fol.	115.
XXVII. PETRI DE CRESCENTIIS <i>Opus ru- ralium commodorum</i> ; fol.	117.
XXVIII. HIERON. BRAVNSCHWEIG. <i>Chi- rurgia</i> ; fol.	124.
XXIX. CASP. TALIACOTII <i>de Chirurgia cur- torum Libri II.</i> Venet. 1597. fol.	127.
XXX. <i>Dispensatorium M. Nicolai</i> , 4.	146.







151

C-51

52

Babl

VI
1